

摘藻堂四庫全書薈要

史部

欽定四庫全書叢要卷三千八百六十四

史部

後漢書卷二十九

梁

剡

令劉

昭補并注

郡國志第十九

郡國一

司隸

河南
京兆

河內
馮翊

河東
扶風

弘農

漢書地理志記天下郡縣本末及山川奇異風俗所由至矣今但錄中興以來郡縣改異及春秋三史會同征

伐地名

臣昭案志猶有遺闕今衆書所載不可悉記以其春秋土地通儒所據而未備者皆先列焉

為郡國志

本志唯郡縣名為大書其山川地名悉為凡細注今進為大字新注證發臣劉昭采集

前志有縣名今所不載者皆世祖所并省也前無今有

者後所置也凡縣名先書者郡所治也

帝王世紀曰自天地設闢未有

經界之制三皇尚矣諸子稱神農之王天下也地東西九十萬里南北八十五萬里及黃帝受命始作舟車以濟不通乃推分星次以定律度自斗十一度至婺女七度一名須女曰星紀之次於辰在丑謂之赤奮若於律為黃鍾斗建在子今吳越分野自婺女八度至危十六度曰玄枵之次一名天黿於辰在子謂之困敦於律為大呂斗建在丑今齊分野自危十七度至奎四度曰承章之次一名娵訾於辰在亥謂之大淵獻於律為太族

斗建在寅今衛分野自奎五度至胃六度曰降婁之次
於辰在戌謂之閭茂於律為夾鍾斗建在卯今魯分野
自胃七度至畢十一度曰大梁之次於辰在酉謂之作
噩於律為姑洗斗建在辰今趙分野自畢十二度至東
井十五度曰實沈之次於辰在申謂之涪灘於律為中
呂斗建在巳今晉魏分野自井十六度至柳八度曰鶉
首之次於辰在未謂之叶洽於律為蕤賓斗建在午今
秦分野自柳九度至張十七度曰鶉火之次於辰在午
謂之敦牂一名大律於律為林鍾斗建在未今周分野
自張十八度至軫十一度曰鶉尾之次於辰在巳謂之
大荒落於律為夷則斗建在申今楚分野自軫十二度
至氐四度曰壽星之次於辰在辰謂之執徐於律為南
呂斗建在酉今韓分野自氐五度至尾九度曰大火之
次於辰在卯謂之單閼於律為無射斗建在戌今宋分
野自尾十度至斗七度百三十五分而終曰析木之次
於辰在寅謂之攝提格於律為應鍾斗建在亥今燕分

野凡天有十二次日月之所躔也地有十二分王侯之所國也故四方方七宿四七二十八宿合一百八十二星東方蒼龍三十二星七十五度北方玄武三十五星九十八度四分度之一西方白虎五十一星八十度南方朱雀六十四星一百一十二度周天三百六十五度四分度之一一度二千九百三十二里分為十二次一次三十度三十二分度之十四各以附其七宿間距周天積百七萬九百一十三里徑三十五萬六千九百七十一里陽道左行故太歲右轉凡中外官常明者百二十四可名者三百二十合二千五百星微星之數凡萬一千五百二十星萬物所受咸系命焉此黃帝創制之大略也而佗說稱日月所照三十五萬里考諸子所載神農之地過日月之表近為虛誕及少昊氏之衰九黎亂德其制無聞矣洎顓頊之所建帝嚳受定則孔子稱其地北至幽陵南暨交趾西蹈流沙東極蟠木日月所照莫不底焉是以建萬國而制九州至堯遭洪水分為十

二州今虞書是也及禹平水土還為九州今禹貢是也是以其時九州之地凡二千四百三十萬八千二十四頃定墾者九百三十萬六千二十四頃不墾者千五百萬二千頃民口千三百五十五萬三千九百二十三人至于塗山之會諸侯承唐虞之盛執玉帛亦有萬國是以山海經稱禹使大章步自東極至于西垂二億三萬三千三百里七十一步又使豎亥步南極北盡於北垂二億三萬三千五百里七十五步四海之內則東西二萬八千里南北二萬六千里出水者八千里受水者八千里名山五千三百五十經六萬四千五百六十六里出銅之山四百六十七出鐵之山三千六百九以供財用儉則有餘奢則不足以男女耕織不奪其時故公家有三十年之積私家有九年之儲及夏之衰棄稷弗務有窮之亂少康中興乃復禹迹孔甲之至桀行暴諸侯相兼逮湯受命其能存者三千餘國方於塗山十損其七民離毒政將亦如之殷因於夏六百餘載其間損益書策

不存無以考之又遭紂亂至周克商制五等之封凡千
 七百七十三國又滅湯時千三百矣民衆之損將亦如
 之及周公相成王致治刑措民口千三百七十一萬四
 千九百二十三人多禹十六萬一千人周之極盛也其
 後七十餘歲天下無事民彌以息及昭王南征不反穆
 王失荒加以幽厲之亂平王東遷三十餘載至齊桓公
 二年周莊王之十三年五千里內非天王九嬪之御自
 世子公侯以下至於庶民凡千百八十四萬七千人除
 有土老疾定受田者九百萬四千人其後諸侯相并當
 春秋時尚有千二百國二百四十二年之中殺君三十
 六亡國五十二諸侯奔走不得保社稷者不可勝數至
 于戰國存者十餘於是縱橫短長之說相奪於時殘民
 詐力之兵動以萬計故嶠有匹馬之禍宋有易子之急
 晉陽之圍懸釜而炊長平之戰血流漂鹵周之列國唯
 有燕衛秦楚而已齊及三晉皆以篡亂南面稱王衛雖
 得存不絕若綫然考蘇張之說計秦及山東六國戍卒

尚存五百餘萬推民口數尚當千餘萬及秦兼諸侯置
三十六郡其所殺傷三分居二猶以餘力行參夷之刑
收大半之賦北築長城四十餘萬南戍五嶺五十餘萬
阿房驪山七十餘萬十餘年間百姓死没相踵于路陳
項又肆其餘烈故新安之坑二十餘萬彭城之戰睢水
不流至漢祖定天下民之死傷亦數百萬是以平城之
卒不過三十萬方之六國五損其二自孝惠至文景與
民休息六十餘歲民衆大增是以太倉有不食之粟都
內有朽貫之錢武帝承其資畜軍征三十餘歲地廣萬
里天下之衆亦減半矣及霍光秉政乃務省役至于孝
平六世相承雖時征行不足大害民戶又息元始二年
郡國百三縣邑千四百八十七地東西九千三百二里
南北萬三千三百六十八里定墾田八百二十七萬五
百三十六頃民戶千三百二十三萬三千六百一十二
口五千九百一十九萬四千九百七十八人多周成王
四千五百四十八萬五十五人漢之極盛也及王莽篡

位續以更始赤眉之亂至光武中興百姓虛耗十有二
存中元二年民戶四百二十七萬千六百三十四口二
千一百萬七千八百二十人永平建初之際天下無事
務在養民迄于孝和民戶滋殖及孝安永初元初之間
兵饑之苦民人復損至于孝桓頗增於前永壽二年二
千六百七萬九百六口五千六萬六千八百五十六人
墾田亦多單師屢征及靈帝遭黃巾獻帝即位而董卓
興亂大焚宮廟劫御西遷京師蕭條豪傑並爭郭汜李
傕之屬殘害又甚是以興平建安之際海內凶荒天子
奔流白骨盈野故陝津之難以箕撮指安邑之東后裳
不完遂有寇戎雄雌未定割剝庶民三十餘年及魏武
皇帝尅平天下文帝受禪人衆之損萬有一存景元四
年與蜀通計民戶九十四萬三千四百二十三口五百
三十七萬二千八百九十一人又案正始五年揚威將
軍朱照日所上吳之所領兵戶九十三萬二千推其民
數不能多蜀矣昔漢永和五年南陽戶五十餘萬汝南

戶四十餘萬方之於今三帝鼎足不踰二郡加有食祿復除之民凶年饑疾之難見可供役裁若一郡以一郡之人供三帝之用斯亦勤矣自禹至今二千餘載六代損益備於茲焉臣昭案謚記云春秋時有千二百國未知所出班固云周之始爵五而土三蓋千八百國轉相吞滅數百年間列國耗盡至春秋時尚有數十

河南尹

秦三川郡高帝更名世祖都雒陽建武十五年改曰河南尹應劭漢官曰尹正也郡府聽事壁

諸尹畫贊聲自建武訖于陽嘉注其清濁進退所謂不隱過不虛譽甚得述事之實後人是瞻足以勸懼雖春秋采毫毛之善貶纖介之惡不避王公無以過此尤著明也二十一城永和五年戶

二十萬八千四百八十六口百一萬八百二十七

雒陽

摯虞曰古之周南今之雒陽魏氏春秋曰有委粟山在陰鄉魏時營為圓丘皇覽曰縣東北山萇弘

冢縣北芒山道

周時號成周

公羊傳曰成周者何東周也何休曰周道始成王之

所都也帝王世紀曰城東西六里十一步南北九里一百步晉元康地道記曰城內南北九里七十步東西六

里十步為地三百頃一十二畝有狄泉在城中左傳三十六步城東北隅周威烈王冢有狄泉在城中左傳

十九年盟于狄泉杜預曰城內太倉西南池水或曰本在城外定元年城成周乃繞之案此水晉時在東宮西

北帝王世紀曰狄泉本殷之墓地在成周東北今城中有殷王冢是也又太倉中大冢周景王也有唐

聚

左傳昭二十三年尹辛敗劉師于唐

有上程聚

古程國史記曰重黎之後伯休甫之國也關中

更有程地帝王世紀曰文王居程徙都豐故此加為上程

有士鄉聚

馮異斬武勃地

有褚氏

聚

左傳昭二十六年王宿褚氏杜預曰縣南有褚氏亭

有榮錡澗

左傳周景王崩于榮錡氏杜預

曰鞏縣

有前亭

杜預曰縣西南有泉亭即泉城也

有圍鄉

左傳昭二十二年單氏伐東圍

杜預曰縣東南有圍鄉又西南有戎城伊雒之戎

有大解城

左傳昭二十三年晉師次于解杜預

曰縣西南有大解小解

河南

帝王世紀曰城西有郟鄏陌太康畋于有雒之表今河之南本傳有

員犢

周公時所城雒邑也春秋時謂之王城

鄭玄詩譜曰周公攝

政五年成王宅雒邑使召公先相宅既成謂之王城博物記曰王城方七百二十丈郭方一十里南望雒水北

至陝山地道記曰去雒城四十里左傳定八年單子伐穀城杜預曰在縣西

東城門名鼎門

帝王世紀曰東南門九鼎所從入又曰武王定鼎雒陽西南雒水九鼎中觀是也

北城門名乾

祭

左傳昭二十四年士伯立於乾祭皇覽曰城西南柏亭西周山上周靈王冢民祠之不絕

又有甘

城

杜預曰縣西南有甘泉

有蒯鄉

左傳昭二十三年尹辛攻蒯晉地道記曰在縣西南有蒯亭

梁故國伯翳後

有陽人聚史記曰秦滅東周不絕其祀以陽人地

有霍陽山

左傳哀四年楚為一昔之期襲梁及霍

有注城

史記曰魏文侯四十二年敗秦于注博物記曰梁伯

好土功今梁多有城

滎陽有鴻溝水

文穎曰於滎陽下引河東南為鴻溝即官渡水也

有廣武城

西征記曰有三皇山或謂三室山山上有二城東者曰東廣武西者曰西廣武各在山一

頭相去二百餘步其間隔深澗漢祖與項籍語處

有虢亭虢叔國有隴城

左傳文二

年盟于垂隴

有薄亭有教亭

周宣王狩于教左傳宣十二年晉師在教郛之間秦立為教倉

有費澤

左傳宣十二年楚潘黨逐魏錡及蔡杜預曰縣東滎澤也

卷

左傳成十年晉鄭盟修澤

杜預曰縣東有修武亭

有長城經陽武到密

史記蘇秦說襄王曰大王之地西有長城

界有垣雖城或曰古衡雍

史記無忌謂魏王曰王有鄭地得垣雍者也杜預曰即是

衡雍又今縣所治城

有扈城亭

左傳莊二十三年盟于扈杜預曰在縣西北

原武

陽武

有武彊城史記曰曹參攻武彊秦始皇遊至陽武博浪沙中為盜所驚

中年

左傳宣元

年諸侯救鄭遇于北林杜預曰縣西南有林亭在鄭北

有圃田澤

左傳曰原圃爾雅十藪鄭有圃

田有清口水

左傳閔二年遇于清杜預曰縣有清陽亭

有管城

杜預曰管國也在京縣東

北漢書音義曰故管叔邑

有曲遇聚

前書曹參破楊熊

有蔡亭

開封左傳哀十

四年逢澤有介麋杜預曰在縣東北遠疑非徐廣曰逢池也

苑陵有棐林

左傳宣元年諸

侯會于斐林杜預曰縣東有林鄉徐齊民北征記曰縣東南有大隧澗鄭莊公所闕又大城東臨濮水水東漆

水注于洧城

有制澤

左傳宣十年諸侯遷於制田杜預曰縣東有制城

有瑣侯

亭

左傳襄十一年諸侯之師次于瑣杜預曰縣西有瑣侯亭

平陰

穀城瀍水出

博物記曰出潛亭山

有函谷關

西征記曰函谷左右絕岸十丈中容車而已

緱氏

左傳

曰呂相絕秦伯殄滅我費滑杜預曰滑國都於費今緱氏縣案本紀縣有百坏山千寶搜神記曰縣有延壽亭

有鄔聚

左傳王取鄔劉杜預曰鄔在縣西南

有轅轅關

瓚曰險道名在縣東南

鞏

鞏伯國左傳曰商湯有景亳之命杜預曰縣西南有湯亭帝王世紀曰湯亭偃師又曰夏太康五弟須于維納

在縣東北三十里

有尋谷水

左傳昭二十三年王師晉師圍鄆中史記曰張儀下兵三川塞什谷

之口徐廣曰縣有尋口

有東訾聚今名訾城

左傳昭二十三年單子取訾杜預曰在縣

西南晉地道記曰在縣之東

有坎埒聚

左氏周襄王出國人納之坎埒杜預曰在縣東地道記在

南

有黃亭有湟水

左傳昭二十三年王子猛居于湟杜預曰有黃亭在縣西北

有明

谿泉

左傳昭二十三年賈辛軍于溪泉

成臯

史記曰成臯北門名玉門左傳破燕師于北制

杜預曰北制一名虎牢亦即此縣也穆天子傳曰七萃之士生搏虎而獻天子命為柙而畜之東虢是曰虎牢

左傳曰鄭子皮勞晉韓宣子于索氏杜預曰縣東有大索城尚書禹貢至于大岷張揖云成臯縣山又有旋門

坂縣西南十里有見東京賦

有旃然水

左傳襄十八年楚伐鄭次旃然

有瓶丘聚有漫

水有汜水

左傳曰周襄王處鄭地汜

京

鄭共叔所居左傳云謂之京城大叔應劭曰有索亭

楚漢戰京索北
征記又有索水

密

春秋時曰新城傳曰新密僖六年
諸侯圍新城杜預曰一名密縣

有大驄山

山海經曰大驄之山其陰多鐵多美堊有草
馬狀如蒼而毛青華而白實其名曰狼服者

不有梅山

左傳曰襄十八年楚伐
鄭右迴梅山在縣西北

有陘山

史記魏襄王
六年伐楚敗

之陘山秦破魏華陽地亦在縣杜預遺令曰山
上有冢或曰子產祁東北向新鄭城不忘本也

新城

左傳曰文十七年周敗戎于郕垂杜預曰縣北有垂亭
史記秦遷西周公於愚狐徐廣曰與陽人聚相近在雒

陽南百五十里
梁新城之間

有高都城

史記蘇代說韓相
國以高都與周者

有廣成聚

有廣成苑有鄆聚古鄆氏今名蠻中

左傳昭十六年楚殺鄆
子杜預曰縣東南有蠻

城又祭遵
獲張滿也

戛師

帝王世紀曰帝嚳所都殷盤庚復南
亳是為西亳皇覽曰北有臯繇祠又

曰有湯亭

有尸鄉

帝王世紀曰尸鄉在縣西二十里

春秋時曰尸氏

左傳

昭二十六年劉人敗子朝之師于尸氏前書田橫自殺處

新鄭詩鄭國祝融墟

皇甫

謚曰古有鄭國黃帝之所都

平

河內郡

高帝置雒陽北百二十里

十八城戶十五萬九千七百七十

口八十萬一千五百五十八

懷有隰城

左傳曰王取鄭隰城杜預

曰在縣西南傳又曰郤至與周爭

河陽

左傳曰王與鄭盟杜預曰

鄆田杜預曰縣西南有鄆人亭

縣南

有湛城

軹

左傳曰王以蘇忿生田向與鄭杜預曰縣西北地名向上

有原鄉

左傳曰王與鄭原杜預曰沁水西北有原城

有溴梁

左傳曰襄十六年諸侯會溴梁

波有

絺城

左傳曰王與鄭絺杜預曰在野王縣西南

沁水

山海經曰沁水出井陘東

野王

有太行山

山海經曰其上有金玉下有碧有獸焉其狀如麋而四角馬尾而有距其名曰驪還鄴食

其說曰杜太行之道韋昭曰在縣北

有射犬聚

世祖破青犢也

有邙城

史記曰紂以文王九

侯鄂侯為三公徐廣曰鄂一作邙武王子封在縣西北

溫蘇子所都濟水出王

莽時大旱遂枯絕

皇覽曰縣郭東濟水南有甄公冢

州平臯有邢

丘故邢國周公子所封

臣瓚曰丘名也非國在襄國西

有李城

史記曰邯鄲李

同却秦兵趙封其父李侯徐廣曰即此城

山陽邑有雍城

杜預曰古雍國在縣西

有

蔡城

蔡叔邑此猶鄭管城之類乎

武德

獲嘉侯國

脩武故南

陽秦始皇更有南陽城

左傳僖四年晉文公圍南陽史記曰白起攻韓南陽太行

道絕之山海經曰太行之山清水出馬郭璞曰修武縣北黑山亦出清水

陽樊攢茅田

服虔曰樊

仲山之所居故名陽樊杜預曰縣西北有攢城左傳曰定元年魏獻子田大陸杜預曰西北吳澤也

有小

脩武聚

春秋曰審史記曰高祖得韓信軍小脩武晉灼曰在城東

有隕城

左傳隱十一年以隕

與鄭

共本國淇水出

前志注曰水出北山博物記曰有與水流入淇水有綠竹草

有

汎亭

凡伯邑

汲

晉地道記曰有銅關

朝歌

有鹿腹山

紂所都居

帝王世紀

曰紂糟丘酒池肉林在城南西前書注曰鹿臺在城中

南有牧野

去縣七里

北有邶國

南有寧鄉

史記無忌說魏安釐王曰通韓上黨於共寧徐廣曰有寧鄉左傳白襄二十三年救晉次

雍榆杜預曰縣東有雍城是也

蕩陰有姜里城

韋昭曰姜音酉文王所拘處

林

慮故隆慮殤帝改有鐵

徐廣曰洹水所出蘇秦合諸侯盟處班叔皮遊居賦亦曰漱余

馬乎洹泉嗟西伯於牖城

河東郡

秦置雒陽西北五百里博物記曰有山澤近鹽沃土之民不才漢興少有名人大衣冠三世皆

衰絕也二十城戶九萬三千五百四十三口五十七萬八

百三

安邑

帝王世紀曰縣西有鳴條陌湯伐桀戰昆吾亭左傳昆吾與桀同日亡地道記咸山

在有鐵有鹽池

前志曰池在縣西南魏都賦注曰在猗氏六十四里楊佺期雒陽記曰河東鹽

池長七十里廣七里水氣紫色有別御鹽四面刻如印齒文章字妙不可述

楊有高梁亭

左傳曰僖九年晉懷公死高粱杜預曰在縣西南地道記有梁城去縣五十里叔向邑也

平陽侯

國

左傳曰成七年諸侯盟馬陵杜預曰衛地也平陽東南地名馬陵又說在魏郡元城

有鐵堯都

此晉地道記曰有堯城

臨汾

博物記曰有賈鄉賈伯邑

有董亭左傳曰晉改

日縣有董亭

汾陰

博物記曰古之綸少康邑

有介山

縣西北有郭璞爾雅注曰縣有孤谷亭

有水口如車輪許漬沸涌出其深無限名之為漢

蒲坂有雷首山

史記曰趙盾田首山

息桑下有餓人示眯明縣南二十里有歷山舜所耕處又伯夷叔齊隱於首陽山馬融曰在蒲坂華山之北河

曲之有沙丘亭

左傳曰文十二年秦晉戰河曲杜預曰在縣南湯伐桀孔安國曰河曲之南

大陽有吳山上有虞城

杜預曰虞國也帝王世紀曰舜嬪于虞虞城是也亦謂吳

城史記秦昭王伐魏取吳城即此城也皇有下陽城邑

覽曰盜跖冢臨河博物記曰傳巖在縣北

左傳僖二年虞晉所有茅津左傳曰秦伐晉遂自茅津

滅縣東北三十里

亭即有顛軫坂左傳曰入自顛軫博物記曰在縣鹽池

茅城有顛軫坂東吳城之北今之吳坂杜預曰在縣東

北解左傳曰舅犯與秦晉大夫盟於郕杜預有桑泉

曰縣西北有郕城博物記曰有智邑

有桑泉

城左傳僖二十四年晉文公入有白城左傳曰晉文公

桑泉杜預曰在縣西二十里

杜預曰在縣東南博物記曰白季邑縣有解城左傳僖

西北卑耳山縣西南齊桓公西伐所登

晉侯賂秦伯有瑕城左傳文十二年秦侵晉及瑕皮

及解梁城

氏有耿鄉尚書祖乙徙耿左傳閔元年晉滅耿杜有鐵

預曰縣東南有耿鄉博物記曰有耿城

有冀亭

左傳僖二年晉荀息曰冀為不道杜預曰國在縣東北史記蘇代說燕王曰下南陽封冀

聞喜邑

博物記曰縣治涑之川史記曰伐韓到乾河郭璞曰縣東北有乾河口但有故溝處無復水左

傳曰僖三十一年晉蒐清源杜預曰在縣北

本曲沃

曲沃在縣東北數里與晉相去六七百里見毛

詩譜

有董池陂古董澤

左傳曰改蒐于董董澤之蒲

有稷山亭

縣西五十

里左傳曰宣十五年晉侯治兵于稷

有涑水

左傳曰呂相絕秦曰伐我涑川

有洮水

絳

邑

縣西有絳邑城杜預曰故絳也

有翼城

左傳隱五年曲沃伐翼杜預曰在縣東八十里

永

安故彘

史記曰周穆王封造父趙城徐廣曰在永安博物記曰有呂鄉呂甥邑也

陽嘉三年

更名

杜預曰縣東北有彘城

有霍大山

爾雅曰西南之美者有霍山之多珠玉焉左傳曰閔

元年晉滅霍杜預曰縣東北有霍大山史記曰原過受神人書稱余霍大山山陽侯天吏也又蜚廉於山得石

棺仍

河北詩魏國有韓亭

猗氏

地道記曰左傳文

在縣

垣有王屋山兗水出

史記曰魏武侯二年城王

垣有壺丘亭

左傳襄元年晉討宋五大夫寘諸

有郛亭

博物記曰縣東九里有郛郛之阮

襄陵

晉地道記

曲沃

北屈

左傳曰二屈杜預曰二當為

有壺口山

禹

日壺口治

有采桑津

左傳僖八年晉敗狄于采桑

蒲

子左傳曰晉文公居蒲

獲澤侯國有析城山

前志曰

南

端氏

史記曰趙韓魏分晉封晉端氏

弘農郡

武帝置其二縣建武十五年屬雒陽西南四百五十里

九城戶四萬六千

八百一十五口十九萬九千一百一十三 弘農故秦

函谷關

左傳曰虢公敗戎于桑田燭水出杜預曰在縣東北桑田亭

前志出衡山嶺下谷

有

枯槎山

本傳赤眉立盆子於鄭北古今注曰在此山下

有桃丘聚故桃林

左傳曰守

桃林之塞博物記曰在湖縣休與之山

有務鄉

赤眉破李松處

有曹陽亭

史記曰章邯殺

周章于曹陽晉灼曰縣東十三里又獻帝東歸敗處曹公改曰好陽

陝 史記曰自陝以西召公主之自

陝以東周

本虢仲國

杜預曰虢都上陽在縣東有虢城

有焦城 故焦國史記曰

武王封神農之後於焦

有陝陌

博物記二伯所分

電池穀水出

前志曰出穀陽

谷

有二嶠

新安澗水出

博物記曰西漢水出新安入雒又有孝水見潘岳西征賦

宜陽

有金門山竹為律管

陸渾西有虢略地

左傳僖十五年晉侯賂秦

東盡虢略杜預曰從河曲南行而東盡故虢

盧氏有熊耳山

山海經曰其上多漆其下

多棧浮豪之水出焉西北流注于雒其中多美玉多人魚

伊水清水出

晉地道記伊東北入雒

湖故屬京兆

前志有鼎湖

有閭鄉

皇覽曰戾太子南出葬在閭鄉南秦又改曰寧

秦華陰故屬京兆

史記曰魏文侯三十六年齊侵陰晉前志曰高帝改曰華陰呂氏春

秋九藪云秦之陽華高誘曰或在華陰西誘又有太華曰桃林縣西長城是也晉地道記曰潼關是也

山左傳晉賂秦南及華山山海經曰太華之山削成而四方其高五千仞其廣十里鳥獸莫居有蛇焉名曰

肥蠶六足四翼見則天下大旱武王放馬牛於桃林墟孔安國曰在華山東晉地道記山在縣西南

京兆尹秦內史武帝改其四縣建武十五年屬雒陽西九百五十里決錄注曰京大也天子曰兆民

十城戶五萬三千二百九十九口二十八萬五千五百

七十四 長安高帝所都漢舊儀曰長安城方亦十三里經緯各長十五里十三城

門九百七十三頃城中皆屬長安令辛氏三秦記曰長安地皆黑壤城中今赤如火堅如石父老所傳盡鑿龍

首山為城皇覽曰衛思后葬是鎬在上林苑中孟康曰長城東南桐松園今千人聚是鎬在西南有

鎬池秦始皇江神反壁曰為吾遺鎬池君古史考曰武王遷鎬長安豐亭鎬池也皇覽曰文王周公冢皆在鎬

聚東有細柳聚前書周亞夫所屯處有蘭池史記曰秦始皇微行

記口始皇引渭水為長池東西二百有曲郵前書高帝

良送至有杜郵史記曰白起死處三秦記曰長安城西

北霸陵有枳道亭前書秦王子嬰降於軹道旁地道記曰霸水西有長門亭

前書文帝出長門若見杜陵杜預曰古也鄠在西南杜

日在鄠縣東決錄注曰鎬在鄠水鄭史記殺商君鄭

東鄠在鎬水西相去二十五里鄭史記殺商君鄭

於此黃圖云下邳縣新豐有驪山杜預曰古驪戎國

并鄭桓帝西巡復之

山故號驪戎三秦記曰始皇墓在山北有始皇祠不齋

戒往即疾風暴雨人理欲上則杳冥失道縣西有白鹿

原周平王時白鹿出案闕中圖
縣南有新豐原白鹿在霸陵
東有鴻門亭前書高帝見項羽處

孟康曰在縣東七十里舊大道北下坂口
名闕中記云始皇陵北十餘里有謝聚
及戲亭周幽王死

處蘇林曰縣有嚴城
藍田出美玉三秦記曰有川方三十里其水北流

出玉銅鐵石地
道記有虎候山
長陵故屬馮翊蔡邕作樊陵頌云前漢戶五萬口有十七

萬王莽後十不存一永初元年羌戎作虐至光和領戶
不盈四千園陵蕃衛榮盛之供百役出焉民用匱乏不

堪其事
商故屬弘農帝王世紀曰契所封也左傳哀四年將通於少習杜預曰少習縣東

之武
關
上雒侯國有冢領山雒水出故屬弘農山海經曰雒水

出護舉之山案史記云雒水出熊耳山海經曰雒出王
城南至相谷西東北流去虎牢城西四十里注河口謂

之雒

有菟和山

左傳哀四年楚司馬軍于菟和

有蒼野聚

左傳曰昭四年楚左師軍

蒼野杜預曰在縣南

陽陵故屬馮翊

左馮翊

秦屬內史武帝分改名雒陽西六百八十八里決錄注曰馮馮也翊明也

十三城戶

三萬七千九十口十四萬五千一百九十五

潘岳關中記曰三輔

舊治長安城中長吏各在其縣治民光武東都之後扶風出治槐里馮翊出治高陵

高陵池

陽

爾雅十藪周有焦穫郭璞曰縣瓠中是也地道記有嶽薛山在北有鬼谷生三所氏案史記鬼谷在潁川

陽城與地記不同

雲陽

有荆山帝王世紀曰禹鑄鼎於荆山在馮翊懷德之南今其下荆渠也

殺羽永元九年復

頻陽

萬年

帝王世紀曰秦獻公都櫟陽是也

蓮勺 重泉 臨晉本大荔有河水祠有芮鄉古芮國與

虞相有王城史記曰秦厲恭公伐大荔取其王城即此城也左傳晉陰飴甥與秦伯盟王城杜預

曰後改為武鄉在縣東 郃陽永平二年復 夏陽有梁山詩云奕奕

梁山在縣西北公羊傳曰河陽之山杜預曰龍門山書曰梁山在縣西北公羊傳曰河陽之山杜預曰龍門山

導河積石歷龍門太史公曰遷生龍門韋昭衛左傳

曰在縣北博物記曰有韓原韓武子采邑 衛左傳文二

年晉敗秦于彭衙皇覽曰有蒼 栗邑永元九年復

右扶風秦屬內史武帝分改名扶風化也 十五城戶萬七千三百五

十二口九萬三千九十一

槐里周曰犬丘

又名廢丘周懿王章

邯所

高帝改

安陵

皇覽曰縣西北畢陌秦武王冢

平陵

茂陵

鄠古扈

豐水出

左傳曰康有鄠宮之朝杜預有甘亭帝曰有靈臺康王於是朝諸侯

世紀曰在縣南夏啟伐扈大戰于甘又南山有王季冢

郿有郿亭

史記曰封棄於郿徐廣曰

今鰲鄉又案王忙傳郿之鰲亭為冤鬼報戮故亭長者也秦是鰲縣後省帝王世紀曰秦出公徙平陽新論曰郿在漆縣其民有會日以相與夜中市奴不為則有災咎

武功永平八年復有太

一山本終南垂山本敦物

前志在縣東

有斜谷

西征賦注曰襄斜谷在長

安西南南口襄北口斜長百七十里其水南流

陳倉

三秦記曰秦武公都雍陳倉城是也有石鼓山

將有兵此山則鳴

汧爾雅曰十藪秦有楊汧郭璞曰在縣西

有吳嶽山

郭璞曰別名吳

山周禮所謂嶽山者

本名汧汧水出有回城名回中

來歙開道處

渝

麋侯國

雍

左傳名穆公采邑史記有鴻冢

有鐵

帝王世紀曰秦德公徙都

枸邑

有豳鄉

鄭玄詩譜曰豳者公劉自邠而出所徙戎狄之地名又有劉邑

美陽有岐山

左傳椒舉曰成王有岐山之蒐山海經曰其上多白金其下多鐵城水出焉東南流注于江

有周城

杜預曰城在縣西北帝王世紀曰周太王所徙南有周原

漆有漆水

山海經曰潁次之山漆水

出焉郭璞曰漆水出岐山詩云自土沮漆地道記曰水在縣西皇覽曰有師曠冢名師曠山

有鐵

杜預

曰豳國在東北帝王世紀曰有豳亭

杜陽永和二年復

詩譜曰周原者岐山陽地屬杜

陽地形險阻而原田肥美

右司隸校尉部郡七縣邑侯國百六

漢官舊儀曰司隸治所故

孝武廟魏志曰曹公分關中置漢興郡國游楚為太守獻帝起居注曰中平六年省扶風都尉置漢

安郡鎮雍榆麋杜陽陳倉汧五縣也

後漢書卷二十九

後漢書卷二十九考證

郡國志一以為郡國志注本志唯郡縣名為大書其山川地名悉為細注今進為大字新注證發臣劉昭采集○臣召南按舊注既進為大字則每遇縣名自不應連書監本或斷或續殊欠分曉今悉間一字以別之

郡所治也注北方玄武三十五星九十八度四分度之一○臣召南按蒼龍玄武白虎朱雀各言星度之數

下言周天三百六十五度四分度之一不應於北方
星度獨言四分度之一也四分度之一五字自是衍
文

又元始二年郡國百三縣邑千四百八十七○

臣名

南按前漢書地理志縣邑千三百一十四道三十二
侯國二百四十一然則合計有千五百八十七也本
文四百應是五百之訛又前書民戶千二百二十三
萬三千六十一此作千三百二十三萬三千六十一

前書口五十九萬四千九百七十八此作一十九萬四千九百七十八

梁故國伯翳後注有陽人聚史記曰秦滅東周不絕其祀以陽人地○臣召南按秦本紀曰以陽人地賜周君此脫三字

楊有高梁亭注左傳曰僖九年晉懷公死高梁○臣召

南按志引左傳紀年多訛晉文公入國而後殺懷公於高梁是僖公二十四年事

弘農郡注其二縣建武十五年屬○臣召南按郡國志

改隸之縣各於縣名下云故屬某此與京兆尹獨於郡下言之蓋劉昭注有詳略也

弘農故秦函谷關注左傳曰虢公敗戎于桑田杜預曰

在縣東北桑田亭○臣世駿按此注應有闕文與函

谷關不相屬臣召南按此錯簡當在下陝有陝陌之

下杜預左傳注云桑田虢地在弘農陝縣東北蓋舊

志陝有桑田亭而劉昭引此文為注也故秦函谷關

燭水出本應連書証以前志自明但前志云衡山領下谷燭水所出此注又訛為衡山耳

湖有閬鄉注秦又改曰寧秦○

臣召南

按此注六字亦

錯簡當在下華陰注高帝改曰華陰之上証以前志

自明

杜陵○說文杜陵有蠆鄉附表切志失載

藍田○說文藍田有吧鄉苦后切志失載


後漢書卷二十九考證

謹案卷二十八第二頁前一行諸侯附從刊本侯
訛象據監本改

第二頁前七行皆伏誅刊本誅訛謀據毛本改

第四頁前二行詔捕諸王客刊本捕訛補據毛本

改



總校官庶吉士臣張能照

校對官檢討臣蕭九成

謄錄監生臣魏世嵩

欽定四庫全書薈要

史部

後漢書卷

三十二

詳校官內閣侍讀孫球



欽定四庫全書薈要卷三千八百六十五

史部

後漢書卷三十

梁

剡

令劉昭補并注

東漢郡國志第二十
郡國二

豫州

潁川
沛國

汝南
陳國

梁國
魯國

冀州

魏郡
河間

鉅鹿
清河

常山
趙國

中山
勃海

安平

潁川郡

秦置
雒陽東
南五百里

十七城戶二十六萬三千四百四

十口百四十三萬六千五百一十三

陽翟禹所都

汲冢

書禹都陽城古史考曰鄭厲公入櫟即此也

有鈞臺

左傳

曰夏啓有鈞臺之享杜預曰有鈞臺波帝王世紀云在縣西

有高氏亭

左傳成十七年衛侵鄭至

高氏杜預曰縣西南

有雍氏城

左傳襄十八年楚伐鄭侵雍梁杜預曰在縣東北史記齊湣王十二

年攻魏楚圍雍氏

襄有養陰里

襄城

左傳定四年盟臯鼫杜預曰縣東南有城

臯有西不羹

杜預曰有不羹城

有汜城

杜預曰在縣南周襄王所處

有汾丘

左傳襄十八年楚治兵於汾杜預曰縣東北有汾丘城

有魚齒山

左傳謂魚陵杜預曰魚齒山也

在犍縣北

昆陽有湛水

左傳襄十六年楚公子格與晉戰於湛陂

定陵有東

不羹

杜預曰縣西北有不羹亭地道記曰高陵山汝水所出

舞陽邑

郾

臨

潁

潁陽

潁陰

左傳文九年楚伐鄭師於狼淵杜預曰縣西有狼陂獻帝遣御史大夫張

音奉皇帝璽綬策書禪帝位於魏是文帝繼王位南巡在潁陰有司乃為壇於潁陰庚午登壇魏相國華歆跪受璽綬以進於王王既受畢降壇視燎成禮而反帝王世紀云魏文帝登禪于曲蠡之繁陽亭為縣曰繁昌亦禹貢豫州之域今許之封內今潁川繁昌是也北征記曰城在許之南七十里東有臺高七丈方五十步臺南有壇高二丈方三十步即受終之壇也

有狐宗鄉或曰

古狐人亭有岸亭

史記魏哀王五年秦伐魏走犀首岸門徐廣曰岸亭

許

左傳莊二

十八年楚伐鄭鄭奔桐丘杜預曰縣東北有桐丘城獻帝徙都改許昌

新汲

左傳文元年衛孔達

侵鄭伐縣訾及匡杜預曰縣東北有匡城成十七年伐齊至曲洧杜預曰縣治曲洧城臨洧水

隰陵

春秋時曰隰

鄭叔段所保故曰克段於鄆又成十六年晉敗楚於隰陵李奇曰六國曰安陵

長社有長葛城

左傳隱五年宋伐鄭圍長葛縣本名長葛地道記曰社中樹暴長漢改名有

向鄉

左傳襄十一年諸侯師于向杜預曰在縣東北

有蜀城有蜀津

史記曰魏惠王元年

韓趙合軍伐魏蜀澤

陽城

帝王世紀曰陽城有啓母冢

有嵩高山

山海經謂為太室之

山禹貢有外方山鄭玄毛詩譜云外方之山即嵩也孟子曰益避禹之子於箕山之陰注云嵩高之北洧

水潁水出

晉地道記曰潁水出陽乾山

有鐵有負黍聚

史記曰周敬王十九年鄭

伐負黍馮敬通賦過許由於負黍山也

父城有應鄉

杜預曰應國在西南史記曰客謂周

最以應為秦
王太后養地

輪氏建初四年置

汝南郡

高帝置雒陽東南六百五十里

三十七城戶四十萬四千四百

四十八口二百一十萬七百八十八

平輿有沈亭故

國姬姓

有摯亭見說文

新陽侯國

西平有鐵有柏亭故柏

國上蔡本蔡國

南頓本頓國

汝陰本胡國

杜預曰縣

西北有胡城地道記有陶丘鄉詩所謂汝墳

汝陽

新息國

北宜春

潁強侯國

濯陽

期思有蔣鄉故蔣國

陽安道亭

故國

杜預曰在縣南袁山松書有朔山魏氏春秋曰初平三年分二縣置陽安都尉

項

故國左傳

僖十七年魯所滅地道記
曰有公路城袁術所築

西華 細陽 安城侯國

有武城亭

吳房有棠谿亭

左傳曰房國楚靈王所滅
又楚封吳夫概王於棠谿

地道記
有吳城

鮦陽侯國

皇覽曰縣有葛陂鄉城東北有楚
武王冢民謂之楚王岑永平中葛

陂城北祝里社下於土中得銅鼎而銘曰楚武王之
冢民傳言秦項赤眉之時欲發之輒頽壞厥不得發

慎陽 慎

新蔡有大呂亭

地道記曰故呂侯國左傳
昭四年吳伐楚入櫟杜預

曰縣東北
有櫟亭

安陽侯國有江亭故國羸姓

富波侯國

永元中復

宜祿永元中復

朗陵侯國

左傳成六年
楚拒晉桑隧

杜預曰縣東
有桑里亭

弋陽侯國有黃亭故黃國羸姓

召陵

左傳昭十三年楚蔡公與子干子有陘亭左傳僖四年齊伐楚次陘

杜預曰在縣南蘇秦說有安陵鄉征羗侯國有安陵

亭史記元忌說魏安釐王曰王之使者出過而惡安陵氏於秦博物記曰故安陵君也思善侯

國 宋公國周名鄆丘漢改為新鄆章帝建初四年徙

宋公於此有繁陽亭左傳襄四年楚師繁陽杜預曰鄆陽南有繁陽亭襄信

侯國有賴亭故國史記楚封王孫勝白公杜預曰襄信縣有白亭原鹿侯國

春秋左氏傳僖二十一年宋盟鹿上杜預曰原鹿縣也定潁侯國 固始侯國

故寢也光武中興更名有寢丘史記曰楚莊王封孫叔敖子又蒙恬破楚軍

山桑侯國故屬沛有下城父聚有垂惠聚

蘇茂奔垂惠王劉紆

城父故屬沛春秋時曰夷

夷屬陳左傳僖二十三年楚所取有乾谿在縣南

有章華臺

杜預曰章華宮在華容縣城內

梁國

秦碭郡高帝改其三縣元和元年屬雒陽東南八百五十里

九城戶八萬三千

三百口四十三萬一千二百八十三

下邑

左傳哀七年築黍丘

杜預曰縣西南有黍丘亭

睢陽

北征記曰城周三十七里南臨濊水凡二十四門地道記曰梁孝王

築城十二里小鼓唱節杵下而和之稱睢陽曲

本宗國關伯墟有盧門亭

左傳桓十

四年宋伐鄭取大宮之椽為盧門之椽昭二十一年敗吳鴻口杜預曰縣東有鴻口亭地道記曰昭二十一年

禦諸橫橫

有魚門

左傳僖二十二年邾人懸公胄於魚門

有陽梁聚

左傳襄十

三年楚伐宋師陽梁杜預曰有梁亭僖二十八年楚子玉夢河神謂已曰吾賜汝孟諸之麋杜預曰在縣東北

爾雅十藪宋有孟諸

虞有空桐地有桐地有桐亭

左傳哀二十六年宋景公

死空

有綸城少康邑

碭山出文石

史記曰高祖隱於芒碭山澤巖石之

間有陳勝墓

蒙

帝王世紀曰有北亳即景亳湯所盟處

有蒙澤

左傳宋萬殺宋閔公於蒙

澤僖二年齊侯盟貫杜預曰縣西北有貫城貫字與貫字相似

穀熟有新城

左傳曰文十四

年諸侯會新城帝

有邳亭

古邳國

隰故屬陳留

寧陵

故屬陳留

左傳成十六年會沙隨杜預曰縣北有沙隨亭

有葛鄉故葛伯國

左傳

曰在縣東北

薄故屬山陽所都

杜預曰蒙縣西北有薄城中湯冢左傳宋公子御

說奔毫其西又有微子冢

沛國

秦泗川郡高帝改雒陽東南千二百里

二十一城戶二十萬四百九

十五口二十五萬一千三百九十三

相

左傳桓十五年會于袤杜

預曰在縣西南一名犖

蕭本國

北征記城周十四里南臨汙水

沛有泗水亭

亭有高祖碑班固為文見固集地道記有許城左傳定八年鄭伐許

豐

地道記曰去國二百六十州六

百雉千二百十五里

西有大澤高祖斬白蛇於此有枌榆亭

案前志注

枌榆社在縣東北十五里或鄉名高祖里社戴延之西征記曰縣西北有漢祖廟為亭長所處

鄼傳

昭四年吳伐楚入棘杜預曰縣東北有棘亭襄元年鄭
侵宋取犬丘杜預曰縣東北有犬丘城帝王世紀曰曹

騰封費亭侯縣
有費亭是也

有鄭聚

左傳曰冀為不道伐鄭三門服
虔曰鄭晉別都杜預曰是虞邑

地處闕則非此鄭矣博
物記曰諸侯會于鄭亭

穀陽

譙

平陽邑左傳僖二
十三年楚所取乾

谿在
南

刺史治

漢官曰去雒
陽千二十里

浚有坂下聚

高祖破
項羽地

蘄

有大澤鄉陳涉起此

史記曰高祖擊黥布於
會甄徐廣曰在縣西

銓

鄆

建平

臨睢故芒光武更名

竹邑侯國故竹

公

丘本滕國

杜預曰在
縣東南

龍亢

地道記曰左傳隱二
年入向城在縣東南

向

本國

符離

紅

地道記云左傳昭
八年大蒐于紅

太丘

杼秋故

屬梁國有澶淵聚

左傳襄二十一年盟于澶淵

陳國

高帝置為淮陽章和二

九城戶十一萬二千六百

五十三口百五十四萬七千五百七十二

陳帝王世紀曰庖

犧氏所都舜後所封左傳僖元年會於榑杜預曰縣西北有榑城爾雅曰丘上有丘曰宛丘陳有株邑蓋朱襄之地博物記曰邱地在縣北防亭在焉詩曰邱有旨苕防有鵲巢

陽夏有固陵聚

史記

高祖五年追項羽至固陵晉灼漢書注云汝南固始縣

寧平

苦春秋時曰相

有賴鄉

伏滔北征記曰有老子廟廟中有九井水相通古史考曰有曲仁里老子里也地道記曰城南

三十里有平城

柘

新平

扶樂

武平

左傳成十六年諸侯侵陳鳴鹿杜預

曰縣西南有鹿邑

長平故屬汝南

左傳宋華氏戰于鬼閭杜預曰縣西北有閭亭

有

辰亭

左傳宣十一年盟辰陵杜預曰縣東南有辰亭

有赭丘城

魯國

秦薛郡高后改本屬徐州光武改屬豫州

六城戶七萬八千四百四十

七口四十一萬一千五百九十 魯國古奄國

帝王世紀曰黃

帝生於壽丘在魯東門之北少昊自窮桑登帝位窮桑在魯北後徙曲阜應劭曰曲阜在魯城中委曲長七八里左傳曰伯禽封少昊之墟僖二十九年介葛盧舍于昌衍杜預曰縣東南有昌平城皇覽曰奄里伯公冢在城內祥舍中民傳言魯有大庭氏庫

杜預曰大庭氏古國名在城內魯於

其處有鐵有關里孔子所居

漢晉春秋曰鍾離意相魯見仲尼廟頽毀會諸生於

廟中慨然歎曰蔽芾甘棠勿翦勿伐況見聖人廟乎遂躬留治之周觀輿服之在焉自仲尼以來莫之開也意發視之得古文策書曰亂吾書董仲舒治吾堂鍾離意壁有七張伯盜一意尋案未了而卒張伯者治中庭治地得六壁上之意曰此有七何以不遂伯懼探壁懷中魯咸以為神意別傳曰意省堂有孔子小車乘皆朽敗意自糶俸顧漆膠之直請魯民治之及護几席劍履後得甕中素書曰護吾履鍾離意又禮記瞿相之圖亦在城中西南近孔子廟而仲尼墓在魯城門北僂之外泗水上去城一里葬地蓋一頃墓墳南北十步東西十三步高一丈二尺墓前有甌甓為祠壇方六尺與地平塋中異木以百數魯人莫能識皇覽曰孔子本無祠堂塋中不生荆棘及刺人草伯魚冢在孔子冢東與孔子冢近大小相望子思冢在孔子冢南案今墓書孫在祖前謂此為有牛首亭左傳曰桓十四年有五父衢地道記驕孫附宋伐鄭取牛首

東

騶本邾國

有騶山高五里秦始皇刻石焉劉蒼騶山記曰邾城在山南去山二里城東門

外有韋賢墓北有繹山左傳文十三年邾遷於繹郭璞曰繹山純石積構連屬城北有牙山牙山北有唐口山

唐口山北有陽山城北有孟軻冢

蕃有南梁水

左傳襄四年戰狐台杜預曰縣東南有目

台薛本國

地道記曰夏車正奚仲所封冢在城南二十里山上皇覽曰靖郭君冢在城中東南

陬孟嘗君冢在城向門東北邊

六國時曰徐州

史記曰齊宣王九年與魏襄王會徐州而

相卞有盜泉有郛鄉城

左傳文公七年城郛杜預曰縣南有郛鄉城隱元年盟于

蔑杜預曰蔑地名縣南有姑城襄十七年齊圍桃杜預曰縣東南有桃墟

汶陽

左傳桓十二年盟曲

池杜預曰縣北有曲水亭地道記臨淄縣西南門曰曲門其側有池案魯桓與祀莒盟不往齊地地道為妄

右豫州刺史部郡國六縣邑侯國九十九

魏郡

高帝置雒陽東北七百里魏志曰建安十七年割河內之蕩陰朝歌林慮東郡之衛國頓丘東武陽

發干鉅鹿之廩陶曲陽南和廣平之廣平任城趙國十之襄國邯鄲易陽以益魏郡十八年分置東西都尉

五城戶十二萬九千三百一十口六十九萬五千六百

六 鄴

帝世紀曰縣西南有上司馬殷太甲常居焉魏都賦注曰縣西北有鼓山時時自鳴鳴則兵

又交谷水在縣南案本傳有西唐山又鄴北太行山西北去亦不知山所極處亦如東海不知水所窮盡也

有故大河有滏水

魏都賦曰北臨漳滏則冬夏異沼注云水經鄴西北滏水熱故名滏口

有汙水有汙城

史記曰項羽破秦軍汙水上

有平陽城

史記曰靳歙別下平陽

有武城有九侯城

徐廣曰一作鬼侯與文王為紂三公

繁陽

內黃左傳

襄十九年會于柯杜預注曰縣東北有柯城昭九年荀盈卒于戲陽杜預曰縣北有戲陽城

清河水

出有義陽聚

世祖破五校處

有黃澤

前志曰在縣西

魏

元城

左傳成七

年會馬陵杜預曰縣東南有地名馬陵史記曰龐涓死處

墟故沙鹿

左傳沙鹿崩穀梁傳曰林屬於

山曰鹿沙山名也

有沙亭

左傳定七年盟于沙亭杜預曰在縣東南七年盟于瑣晉地道記曰縣南

有瑣陽城

黎陽

左傳定十四年會于牽杜預曰縣東北有牽城

陰安邑

館陶

清淵

平恩

沙侯國

魏都賦注曰有龍山

斥丘有葛

杜預曰有

乾侯魯昭公所處

武安有鐵

即臺孝威隱于縣山

曲梁侯國

左傳宣十五年

敗赤狄于曲梁故屬廣平有雞澤左傳襄三年諸侯會雞澤杜預曰在縣西南

梁

期

鉅鹿郡

秦置建武十三年省廣平國以其縣屬雒陽北千一百里

十五城戶十萬九

千五百一十七口六十萬二千九十六 廩陶有薄落

亭 鉅鹿故大陸澤

有廣阿澤呂氏春秋九藪趙之鉅鹿高誘注云廣阿

澤也山海經曰大陸之水史記紂盈鉅橋之粟許慎云鉅鹿之大橋也鉅鹿南有棘原章邯所軍處前書曰沙

丘臺在縣東北七十里

楊氏 鄒

下曲陽有鼓聚故翟鼓子

國

杜預曰縣西南有肥累城古肥國白狄別種

有昔陽亭

左傳昭十二年晉荀吳入昔陽杜預

曰沾縣東有昔陽城肥故都也

任南和廣平斥章廣宗

曲周列人廣年平鄉南緣

常山國高帝置建武十三年省真定國以其縣屬十三城戶九萬七千五百

口六十三萬一千一百八十四元氏晉地道記有石塞三公塞

高邑故鄣光武更名刺史治漢官曰去雒陽一千里有千秋亭五

成陌縣西七里光武即位於此矣都鄉侯國有鐵南行

唐有石臼谷房子贊皇山在縣西南六十里濟水所出晉地道記

有礫塞中谷塞平棘有塞欒城在縣西北四十里九門史記趙武靈王

出九門如野臺以望齊中山之境碣石山戰國策云在縣界

靈壽衛水出蒲吾

史記番吾君杜預曰晉之蒲邑也古今注曰永平十年作常山呼沱河蒲吾渠通漕船也

井陘

真定上艾故屬太原

中山國

高祖置雄陽北一千四百里

十三城戶九萬七千四百一十

二口六十五萬八千一百九十五 盧奴 北平有鐵

毋極 新市有鮮虞亭故國子姓

杜預曰白狄別種

望都

左傳晉伐鮮虞及中人杜預曰縣西北有中人城晉地道記有馬安國

唐有中人亭

博物

記曰唐關在中人西北百里中人在縣西四十里

有左

人鄉

帝王世紀曰堯封唐堯山在北唐水西入河南有
望都山即堯母慶都所居相去五十里都山一名

豆山博物記曰左
人唐西北四十里

安國 安憲本安險章帝更名

漢昌本苦陁章帝更名 蠡吾侯國故屬涿 上曲陽

故屬常山恒山在西北

有泉水于吉得神書晉地道記
自縣北行四百二十五里恒多

山坂名
飛狐口

蒲陰本曲逆章帝更名有陽城

晉地道記曰
有陽安關陽

城蒲陽山
蒲水出也

廣昌故屬代郡

安平國

故信都高帝置明帝名樂成
延光元年改雄陽北二十里

十三城戶九萬一

千四百四十口六十五萬五千一百一十八 信都有

絳水呼沱河 阜城故昌城 南宮 扶柳 下博

武邑

觀津

本清河下縣決錄注曰孝文竇皇后父隱身漁釣墜淵而卒景帝立后為太后遣使

者更填父所墜淵而葬起大墳于縣城南民號曰竇氏青山

經西有漳水津名薄

落津

史記曰趙武靈王曰晉國東有河薄落之水

堂陽故屬鉅鹿 武遂

故屬河間

饒陽故名饒屬涿有無萋亭

馮異進豆粥光武案志有

解犢侯靈帝封

安平故屬涿

南深澤故屬涿

河間國

文帝置世祖省屬信都和帝永元二年復故雄陽北二千五百里

十一城戶九

萬三千七百五十四口六十三萬四千四百二十一

樂成 弓高 易故屬涿 武垣故屬涿 中水故屬

涿 鄭故屬涿 高陽故屬涿有葛城 文安故屬勃

海 東州故屬勃海 成平故屬勃海 東平舒故屬

勃海

清河國

高帝置桓帝建和二年改為
甘陵雒陽北千二百八十里

七城戶十二萬三

千九百六十四口七十六萬四百一十八 甘陵故厝

安帝更名 貝丘 東武城 鄒 靈和帝永元九年

復

地道記曰
有鳴犢河

繹幕

廣川故屬信都有棘津城

太公
尚

困於棘津城琅邪海曲北此城也案永初元年鄧太后分置廣川王國後王薨國除太后崩還益清河

趙國

秦邯鄲郡高帝改名雄陽北千一百里

五城戶三萬二千七百一十

九口一十八萬八千三百八十一

邯鄲

張華曰趙奢冢在邯鄲西

山上謂之馬服山

有叢臺

有洪波臺

易陽

魏都賦曰溫泉張涌而自浪注曰溫泉在易陽

世以治疾洗百病

襄國本邢國秦為信都項羽更名有檀臺

史記曰趙成侯魏獻榮椽因以為檀臺

有蘇人亭 柏人

中丘

晉地道記曰有

石門塞燒梁關

勃海郡

高帝置雄陽北千六百里

八城戶十三萬二千三百八十九

口百一十萬六千五百 南皮 高城侯國 重合侯

國 浮陽侯國

東光

有胡蘇亭胡蘇河之名見爾雅

章武

陽信

延光元年復 修故屬信都

右冀州刺史部郡國九縣邑侯國百

後漢書卷三十

後漢書卷三十考證

郡國志二楊翟有雍氏城注史記齊湣王十二年攻魏

楚圍雍氏○

臣召南

按齊攻魏一事也楚圍雍氏又

一事也雍氏韓邑楚人圍之與攻魏並無干涉此劉
昭米輯之失也

昆陽有湛水注戰于湛陂○左傳作湛阪陸德明音義
曰阪音反

長社有蜀津注史記曰魏惠王元年趙韓合軍伐魏蜀

澤○魏世家作濁澤六國年表又作涿澤

陽城有負黍聚注史記曰周敬王十九年鄭伐負黍○

臣召南

按周本紀無此文年表是周威烈王十九年

鄭敗韓于負黍時鄭繻公十六年韓景侯二年也

輪氏建初四年置○

臣召南

按前志潁川郡有綸氏疑

縣不自建初置也但前志作綸此志作輪按本書陳

寔傳亦作輪

睢陽有魚門注左傳僖二十二年邾人懸公胄于魚門

○臣召南按睢陽宋國不應有邾城門事此亦錯簡

當在魯國騶本邾國下

薄故屬山陽所都○

臣召南

按山陽下脫湯字薄與亳

通前書臣瓚注薄湯所都是也

沛國注秦泗川郡○川何焯校本改水

元城有沙亭注定七年盟于沙亭○推尋文義衍一亭字

後漢書卷三十考證

欽定四庫全書
資要卷三千八百六十六

史部

後漢書卷三十一

梁

列

令劉昭補并注

郡國志第二十一

郡國三

兗州

陳留

東郡

東平

任城

泰山

濟北

山陽

濟陰

徐州

東海

琅邪

彭城

廣陵

陳留郡

武帝置雒陽東
五百三十里

十七城戶十七萬七千五百二

十九口八十六萬九千四百三十三 陳留有鳴鴈亭

左傳成十六年衛伐鄭鳴鴈杜預曰在縣西北陳留志曰有桐陵亭古桐丘

浚儀本大梁

帝王世紀曰禹避商均浚儀晉地道記儀封人此縣也通俗文曰渠在浚儀曰茆蕩也

尉氏 陳留

志曰有陵樹鄉北有澤澤有天子苑

雍丘本杞國 陳留

園有秦樂廐漢諸帝以馴養猛獸

志曰城內有神并能興霧電案北征記曰有呂祿臺高七丈有鄼生祠曹植禹廟讚曰有禹祠植移于其城城

本名杞城

襄邑有滑亭

左傳莊三年次于滑杜預曰在縣西北

有承匡城 地

記曰在縣西左傳文十一年會晉卻缺于承匡有桐門亭有黃門亭襄元年會鄼杜預曰縣東南有鄼城

外黃

左傳惠公季年敗宋師于黃杜預曰宋邑縣東有黃城

有葵丘聚齊桓公會

此城中有曲棘里

左傳昭二十五年宋公佐卒曲棘

有繁陽城

小黃

漢舊儀曰高祖母起兵時死縣北為作陵廟於小黃

東昏

陳留志曰故戶牖鄉有陳平祠

濟

陽

有武父鄉左傳桓十二年盟于武父杜預曰縣東北有武父城縣東南有武城縣都鄉有行宮光武生

平丘有臨濟亭田儋死此有匡

匡人之亭曹公破袁術處

有黃池

亭

陳留志云黃亭在封丘左傳哀十三年盟黃池杜預曰在縣南傳曰吳囚子服景伯以還及戶牖然即黃

池在戶牖西或以為外黃縣東溝非也

封丘

博物記有狄溝即有桐牢敗狄于長丘是也

亭或曰古蟲牢

左傳成五年諸侯會蟲牢陳留志有鞠亭古鞠居

酸棗

左傳鄭太

叔至于廩延杜預曰縣北有延津襄五年會城棗杜預曰縣西南有棗城東有地烏巢曹公破袁紹處陳留志

曰城內有韓王故宮闕

長垣侯國有匡城

陳留志曰孔子圖此北征記城周三里左

傳僖十五年會牡丘次于匡杜預曰匡在縣西南昭十三年會平丘杜預曰縣西有平丘城

有蒲城

左傳成九年會于蒲杜預曰在縣西南史記曰孔子自匡過蒲陳留志云有子路祠有祭城杜預曰鄭

祭封人仲邑陳留志曰有蘧伯玉墓及祠又西南有宛亭左傳僖二十八年衛人盟宛濮杜預曰近濮水

已吾有大棘鄉

左傳宣二年鄭破宋師大棘杜預曰在襄邑縣南

有首鄉

左傳桓八

年齊侯師于首止杜預曰在襄邑東南有首止城

考城故菑

陳留志曰古戴國地名杜預曰

戴在外黃東南爾雅曰木立死曰菑呂氏春秋草鬱即為菑

章帝更名故屬梁

陳留志曰

有箕子祠有穀亭古句瀆之丘案本傳有蒲亭

圉故屬淮陽有高陽亭

陳留志曰

有萬人聚王邑破翟義積尸處前書
今高陽文穎曰高陽聚邑名在縣西

扶溝故屬淮陽

東郡

秦置去雒陽八百餘里

十五城石十三萬六千八百六

十萬三千三百九十三

濮陽古昆吾國

杜預曰古衛也帝王世紀

曰顓頊自窮桑徙商丘左傳曰衛顓頊之墟杜預曰帝丘昆吾氏因之故曰昆吾之墟縣城內有顓頊冢皇覽曰冢在城門外廣陽里中

春秋時曰濮有鹹城或曰古

鹹國

左傳僖十三年同會于鹹

有清丘

左傳曰宣十二年盟清丘杜預曰縣東南

有鉏城

燕本南燕國有雍鄉

謝沈書曰赤眉攻雍鄉

有胙城古胙國有

平陽亭

左傳哀十六年衛侯飲孔悝酒於平陽

有瓦亭

左傳曰定八年會于瓦杜預曰縣東

北有桃城

史記曰秦中君說秦曰王又舉甲而拔桃入邢是也

白馬有韋鄉

杜預

曰縣東南有韋城古豕韋氏之國

頓丘

白虎通曰帝嚳冢在城臺陰野是也

東阿

左傳

桓十年會于桃丘杜預曰縣東南有桃城襄十四年孫林父敗衛侯于阿澤杜預曰縣西南大澤魏志有渠丘

山有清亭

左傳隱四年遇于清是也

東武陽濕水出

范有秦亭

左傳莊三十一年築臺于秦地道記在縣西北

臨邑有沛廟

博平

聊城

有夷儀聚

左傳僖元年邢遷于夷儀

有聶戚

左傳曰卿攝以東

發干

樂

平侯國故清章帝更名

陽平侯國有莘亭

杜預注傳曰衛作新

臺在縣北衛殺公子伋之地故曰待諸莘

有岡成城

秦封蔡澤為岡成君未詳

衛公國

本觀故國姚姓光武更名有河牧城

左傳文元年會于戚鄭救晉中行氏

晉敗鄭鐵杜預曰戚城南有鐵丘

有竿城前書故發于縣

穀城春秋時小穀

左傳莊三十二年城小穀杜預曰城中有管仲井又傳曰埋長狄榮如首於周首之北門杜預曰縣東北有周

首有雋下聚

左傳僖二十六年追齊師至鄆杜預曰縣西有地名鄆下皇覽曰縣東十五里有項

冢羽

東平國

故梁景帝分為濟東國宣帝改雒陽東九百七十五里

七城戶七萬九千

一十二口四十四萬八千二百七十無鹽本宿國任

姓左傳昭二十五年臧會奔邱杜預曰縣東南有邱鄉亭

有章城

古國左傳莊三

東平陸六國時曰平陸有闕亭

左傳桓十一年會于闕杜預曰在須昌縣

東南有闕城博物記云即此亭是

有堂陽亭

故縣後省

富成

章

壽張

春秋曰良漢曰壽良光武改曰壽張有堂聚故聚屬東

郡

地道記曰有蚩尤祠狗城皇覽曰蚩尤冢在縣闕城中高七丈

須昌故屬東郡

杜預

曰須句古國在西北

有致密城古中都有陽穀城

左傳僖三年會陽穀杜預曰在

北縣 寧陽故屬泰山

任城國

章帝元和元年分東平為任城雒陽東千一百里

三城戶三萬六千四

百四十二口十九萬四千一百五十六 任城本任國

有桃聚

光武破龐
萌於桃鄉

亢父

左傳襄十三年取邾杜預曰
縣有邾亭哀六年城邾瑕杜

預曰縣北
有邾瑕城

樊

泰山郡

高帝置雒陽
東千四百里

十二城戶八千九百二十九口四

十三萬七千三百一十七

奉高有明堂武帝造

前書
曰在

縣西南四里左傳昭八年大蒐于紅至于
商衛紅亭在縣西北杜預曰按宋衛也

博有泰山

廟岱山在西北有龜山

左傳定十年齊歸龜陰之田杜
預曰田在臺北琴操孔子作龜

山之

有龍鄉城

左傳成二年齊圍龍杜預曰在縣西南
史記作隆入楚有蜀之役杜預曰縣西

北有
蜀亭

梁甫侯國有菟裘聚

左傳隱公使營菟裘吾將
老焉杜預曰縣南有菟裘

城

鉅平侯國有亭禪山

即古所禪亭亭者也

有陽關亭

左傳襄十七年

師自陽關桓六年會于成杜預曰縣東南成城即孟孫之邑

羸有鐵山

荏侯國

萊蕪有原山潘水出

杜預曰汶水出

蓋沂水出

左傳會于防杜預曰

在縣東南有防城

南武陽侯國有額臾城

南城故屬東海

有東陽城

呂氏春秋夏孔甲遊田于東陽貧山左傳哀八年克東陽襄十九年城武城杜預曰南城

縣哀十四年司馬葵丘輿杜預曰縣西北有輿城

費侯國

曹騰封費是鄆縣費亭非此國故

屬東海有祊亭

左傳隱八年鄭歸祊杜預曰在縣東南閔二年莒人歸共仲及密杜預曰縣有

密如有台亭

左傳襄十二年莒圍台杜預曰縣南有台亭

牟故國

濟北國

和帝永元二年分泰山置臣昭案濟北前漢之舊國此是經并泰山復分雒陽東千一百五十

里五城戶四萬五千六百八十九口二十三萬五千八

百九十七

盧

左傳隱三年齊鄭尋盧之盟杜預曰今縣故城有邾山在縣北成二年封銳司

徒女石窠杜預曰縣東有地名石窠

有平陰城有防門

左傳襄十八年齊禦晉平陰塹防門

杜預曰在縣北又齊登巫山以望晉師杜預曰在縣東北

有光里有景茲山

杜預曰在縣東

南有敖山

左傳曰先君獻武廢二山即敖山具山

有清亭

左傳哀十一年齊伐魯及清是

也有長城至東海

史記蘓代說燕王曰齊有長城巨防巨防即防門

蛇丘有

遂鄉

古遂國左傳莊十三年齊人滅遂

有下謹亭

左傳桓三年送姜氏于謹

有鑄鄉

城周武王未及下車封堯後於鑄左傳有棘地成公三年叔孫僑如所圍杜預曰汶水北地有棘鄉東觀書

有芳

成本國

左傳衛師入邲杜預曰東平剛父縣西南有邲鄉

荏平本屬

陘山

東郡

剛

左傳哀八年齊取闡杜預曰在縣北有闡鄉

山陽郡

故梁景帝分置雒陽東八百一十里

十城戶十萬九千八百九十

八口六十萬六千九十一

昌邑刺史治有梁丘城左傳

莊三十二年過于梁丘杜預曰梁丘鄉在縣西南

有甲父亭

杜預曰甲父古國名在縣東南左傳

隱十年取防杜預曰縣西有防城

東緡春秋時曰緡

左傳僖二十三年齊圍緡

鉅野

左傳桓七年焚咸丘杜預曰縣西有咸亭

有大野澤

春秋西狩獲麟之所爾雅十藪魯有

大野杜預曰縣西南有鄆亭定十三年齊伐晉之所

高平侯國故橐章帝更名

前漢志莽改曰高平章帝復莽此號左傳隱九年費伯城郎杜預曰縣東南有郁郎亭

有茅鄉城

杜預曰茅鄉在昌邑西南

湖陸故湖陵章帝更名

前漢志王莽改曰湖陸章帝復

其號博物記曰苟水出地道記縣西有費亭城魏武帝初所封

南平陽侯國有漆亭

左傳有閭丘亭

左傳襄二十一年邾庶其以漆閭丘來奔杜預曰縣東北有漆鄉西北有顯閭

亭哀七年因邾子負瑕杜預曰縣西北有瑕丘城

方與有武唐亭

左傳桓二年盟于唐

杜預曰魯侯觀魚臺

春秋經隱五年矢魚于棠

有泥母亭或曰古甯

母左傳僖七年盟甯母杜預曰在縣東三十一年臧文仲宿重館杜預曰縣西北有重鄉城

瑕丘

金鄉

晉地道記曰縣多山所治名金山山北有鑿石為冢深十餘大隧長三十丈傍却入為堂三方

云得白兔不葬更葬南山鑿而得金故曰金山故冢今在或云漢昌邑所作或云秦時

防東

濟陰郡

故梁景帝分置雒陽東八百里

十一城戶十三萬三千七百一

十五口六十五萬七千五百五十四

定陶本曹國

郭璞

曰城中有陶丘皇覽曰伯樂冢縣東南一里所高四五丈

古陶舜所居

帝王世紀曰舜陶河濱縣

西南陶丘亭是

有三駸亭

湯伐三駸孔安國曰今定陶

冤句有煮棗城史記

蘓秦說魏襄王曰大王之地東有淮潁煮棗

成陽有堯冢靈臺有雷澤

禹貢

曰雷夏既澤帝王世紀曰舜耕歷山漁雷澤濟陰有歷山

乘氏侯國

博物記曰古乘丘

有

泗水有鹿城鄉

句陽有垂亭

左傳隱八年遇于垂亭
記無忌說魏安僖王曰

大臺隳垂都焚徐
廣曰縣有垂亭

鄆城

離狐故屬東郡

廩丘故

屬東郡有高魚城有鄆城

左傳襄二十六年齊烏餘以
廩丘奔晉杜預曰今縣故城

是又襲衛羊角取之杜預曰今縣所
治城又襲我高魚杜預曰在縣東北

單父侯國故屬

山陽 成武故屬山陽

左傳隱七年戎執凡伯於
楚丘杜預曰在縣西南

有郛

城左傳隱十年取郛杜預曰縣
東南有郛城地道記有程城

已氏故屬梁

皇覽曰
有平和

鄉鄉有
伊尹冢

右兗州刺史部郡國八縣邑公侯國八十

山為懲父山

春秋時曰祝其夾谷地

左傳定十年會齊侯夾谷孔子相

厚

丘

左傳成九年城中城杜預曰在縣西南有中鄉城

贛榆本屬琅邪建初五

年復

左傳齊伐莒莒子奔紀鄆杜預曰縣東北有紀城地道記曰海中去岸百九十步有秦始皇碑長一

丈八尺廣五尺厚八尺三寸一行十三字潮水至如其上三丈去則三尺見也

琅邪國

秦置建武中省城陽國以其縣屬案本紀永壽元年置都尉治雒陽東一千五百里

十三

城戶二萬八百四口五十七萬九百六十七

開陽

杜預

曰古鄆左傳哀三年城啓陽杜預曰開陽

故屬東海建初五年屬

東武

琅邪

山海經曰有琅邪臺在渤海間琅邪之東郭璞曰琅邪臨海邊有山嶠嶠特起狀如高臺此即琅邪

臺齊景公曰吾循海而南放乎琅邪越絕曰句踐徙琅邪起觀臺臺周七里以望東海史記曰秦始皇徙黔首三萬戶琅邪臺下傳有勞山

東莞有鄆亭

左傳曰公處鄆

有邳鄉有公來

山或曰古浮來

左傳隱八年盟浮來杜預曰邳來山之

間號曰邳來莊九年鮑叔受管仲及堂

阜而脫之杜預曰東莞蒙陰縣西北有夷吾亭或曰鮑叔解夷吾縛於此因以為名即古堂阜也東莞後為名

西海

東觀書曰有勝山博物記太公呂望所出今有東呂鄉又釣於棘津其浦今存

諸傳

莊二十九年城諸杜預曰諸縣在城陽郡又言隱四年莒人伐杞取牟婁杜預曰縣東北有婁鄉

莒

本國故屬城陽

左傳成八年申公巫臣會渠丘公杜預曰縣有蘧丘里

有鐵有崢

嶧谷東安故屬城陽

陽都故屬城陽有牟臺

左傳宣元

年會于平州社

預曰在縣西

臨沂故屬東海有叢亭

左傳隱六年盟于艾社預

曰縣東南有艾山七年城中丘社預曰縣東北有中丘亭博物記曰縣東界次睢有大叢社民謂之食人社即

次睢之社

即丘侯國故屬東海春秋曰祝丘

繒侯國故

屬東海有莒亭

左傳莊九年盟于莒社預曰在縣北

姑幕

左傳昭五年莒牟夷以牟

婁及防茲來奔杜預曰縣東北有茲亭博物記曰淮水入城東南五里有公冶長墓

彭城國

高祖置為楚章帝改雒陽東千二百二十里

八城戶八萬六千一百

七十口四十九萬三千二十七

彭城

古大彭邑北征記城西二十里

有山山有楚元王墓伏滔北征記曰城北六里有山有臨泗有宋桓魋石櫛皆青石隱起龜龍鱗鳳之象

鐵武原傳陽有祖水

左傳襄十年滅偃陽杜預曰即此縣也

呂

留

西征記曰城中有張良廟

梧

菑丘

廣戚故屬沛國

廣陵郡

景帝置為江都武帝更名建武中省泗水國以其縣屬雒陽東一千六百四十里

十一

城戶八萬三千九百七口四十一萬百九十

廣陵

吳王

潁所都城周十四里半

有東陵亭

博物記曰女子杜姜左道通神縣以為妖閑獄桎梏卒變形莫

知所極以狀上因以其處為廟祠號曰東陵聖母

江都有江水祠

高郵

平安凌故屬泗水

東陽故屬臨淮有長洲澤吳王

濞太倉在此

縣多麋博物記曰十千為羣掘食草根其處成泥名曰麋畷民人隨此畷種稻不耕

而獲其收百倍又扶海洲上有草名節其實食之如大
麥從七月稔熟民斂獲至冬乃訖名曰自然穀或曰禹
餘糧射陽故屬臨淮有梁湖地道記鹽漬故屬臨淮

輿侯國故屬臨淮堂邑故屬臨淮有鐵春秋時曰

堂海西故屬東海

下邳國

武帝置為臨淮郡永平十五年更為下邳國雒陽東千四百里

十七城戶十三

萬六千三百八十九口六十一萬一千八十三下邳

本屬東海

戴延之西征記曰有沂水自城西西南注泗別下迴城南亦注泗舊有橋處張良與黃石

公會此橋

葛嶧山本嶧陽山

山出名桐伏滔北征記曰今槃根往往而存

有鐵

徐本國有樓亭或曰古婁林

杜預曰在僮縣東南伏滔北征記曰縣北有大家徐

君墓延陵解劍之處

僮侯國

睢陵

下相

淮陰

下鄉有南昌亭韓信

寄食處

淮浦

盱台

高山

潘旌

淮陵

取慮有

蒲姑陂

左傳昭十六年齊師至蒲隧杜預曰縣東有蒲姑陂

東城

曲陽侯國

故屬東海

司吾侯國故屬東海

良城故屬東海春

秋時曰良

左傳昭十三年晉會吳於良

夏丘故屬沛

右徐州刺史部郡國五縣邑侯國六十二

魏氏春秋曰初

平三年分琅邪東海為城陽新城昌慮郡建安十一年省昌慮并東海

後漢書卷三十一

後漢書卷三十一考證

郡國志三已吾有大棘鄉○有首鄉○臣召南按此二

鄉注皆應在上文襄邑有承匡城之下大棘首鄉皆襄邑地非已吾地也不知何以脫入於此又首鄉注左傳桓八年齊侯師于首止應作僖五年齊侯會于首止杜預曰有首止城應作有首鄉

林邑有沛廟○沛當作沛

湖陸故湖陵章帝更名注王莽改曰湖陸章帝復其號

○ 臣召南

按前書湖陵莽曰湖陸蓋自光武中興郡縣名皆復其舊至章帝又改湖陵為湖陸也

琅邪國注秦置建武中省城陽國以其縣屬○

臣召南

按此注不明郡與國亦略有別秦置琅邪郡前漢因之光武改為國省城陽國來屬此其始末也秦置之下當有郡字

東莞有邳鄉有公來山或曰古浮來注杜預曰邳來山之間號曰邳來○按杜預注原文云邳鄉西有公來

山號曰邳來間

陽都有牟臺○牟當作平

東城○城當作成

後漢書卷三十一考證

欽定四庫全書薈要卷三千八百六十七

史部

後漢書卷三十二

梁

剡

令劉

昭補并注

郡國志第三十二

郡國四

青州

濟南
齊國

平原

樂安

北海

東萊

荊州

南陽
武陵

南郡
長沙

江夏

零陵

桂陽

揚州

九江
豫章

丹陽

廬江

會稽

吳郡

濟南國

故齊文帝分雒陽東千八百里

十城戶七萬八千五百四十四

口四十五萬三千三百八

東平陵有鐵有譚城

故譚國

有天山 著

於陵

杜預曰縣西北有于亭陳桓子以封齊公子周

臺 管

有賴亭

左傳哀六年公如賴

土鼓

梁鄒

鄒平

東朝陽

杜預

曰縣西有崔城

歷城有鐵有巨里聚

耿弇破費敢處皇覽曰太甲有冢在歷山上

平原郡

高帝置雒陽北一千三百里

九城戶十五萬五千五百八十

八口百萬二千六百五十八

平原

地道記曰有篤馬河

高唐

濕水出 般

鬲侯國夏時有鬲君滅浞立少康

魏都賦注

曰縣有蓋節淵三齊記曰城南有蒲臺高八十尺
秦始皇所煩處在臺下紫蒲繫馬今蒲猶紫者

祝

阿春秋時曰祝柯

左傳哀十年取犂及犂杜預曰縣西有犂城故縣省

有野井亭

左傳昭二十五年齊侯唁公子于野井杜預曰在縣東

樂陵

濕陰

安德侯國

厭次本富平明帝更名

樂安國

高帝西平昌置為千乘永元七年更名雒陽東千五百二十里

九城戶七萬四

千四百口四十二萬四千七十五

臨濟本狄安帝更

名

地道記曰狄伐衛懿公

千乘

高苑

樂安

博昌有薄姑城

古薄姑氏杜預曰薄姑地

有貝中聚

左傳齊侯田于貝丘杜預曰縣南有地名貝丘

有時水

左傳莊九年戰于乾時杜預曰時水在縣界岐流旱則竭涸故曰乾時

蓼城侯國

杜預曰縣

東北有攝城

利故屬齊

益侯國故屬北海

壽光故屬

北海有灌亭

古灌國

北海國

景帝置建武十三年有菑川高密膠東三國以其縣屬

十八城戶十五萬

八千六百四十一口八十五萬三千六百四劇有紀

亭古紀國

營陵

平壽有斟城

杜預曰有斟亭古斟國故縣後省

有

寒亭古寒國浞封此

都昌

左傳莊元年齊遷紀之鄆城地道記曰鄆城在縣西

安丘有渠丘亭

地道記曰有渠丘城

淳于永元九年復有密

鄉

左傳隱二年紀莒盟密故密鄉在縣東北後省

平昌侯國故屬琅邪有婁

鄉

左傳昭五年莒夷以年婁及防茲來奔杜預曰縣西南有防亭

朱虛侯國故屬

琅邪永初元年屬

左傳莊元年齊遷紀郚杜預曰朱虛縣東南有郚城鄭志曰有小泰山公

玉帶曰岐伯令黃帝封泰山即此山也

東安平故屬菑川六國時曰安

平有鄆亭

故兆左傳莊三年紀季以鄆入于齊地道記有羗頭山

高密侯國

昌安侯國安帝復

夷安侯國安帝復

膠東侯國

即墨侯國有棠鄉

左傳襄六年圍棠杜預曰棠國也

壯武安帝復

故夷

國左傳隱元年紀伐夷

下密安帝復

拒

地道記曰養澤在幽州薊有萊山萊王

祠

觀陽

東萊郡

高帝置雒陽東三千二百三十八里

十三城戶十萬四千二百九

十七口四十八萬四千三百九十三

黃

地道記曰縣東二百三十

里至海中連岑有土道秦始皇登此山刻二碑東二百三十里有始皇漢武帝二碑

牟平 愜

侯國

地道記曰有百技萊君祠三齊記曰南有蹲犬山似犬蹲有神劉寵出西都經此山山犬吠之寵曰

山神謂我人也

曲成侯國

前書禱萬里沙在縣

掖侯國有過鄉

故過國

當利侯國

東牟侯國

昌陽

盧鄉

長廣故屬

琅邪

黔陬侯國故屬琅邪有介亭

左傳襄二十四年伐莒侵介根杜預

曰縣東北計
基城號介國

葛盧有尤涉亭 不期侯國故屬琅邪

三齊記曰鄭玄教授不期山山下生草大如籬
葉長一尺餘堅韌異常土人名曰康成書帶

齊國

秦置雒陽東
千八百里

六城戶六萬四千四百一十五口四

十九萬一千七百六十五 臨菑本齊刺史治

爾雅十
數齊有

海隅郭璞曰海濱廣斥左傳齊戍葵丘杜預曰在縣西
皇覽曰呂尚冢在縣城南去縣十餘里在齊桓公冢南
菑水南桓公冢西北有晏嬰冢孟子注曰
南小山曰牛山博物記曰縣西有素婁

西安有棘

里亭

杜預曰在縣東
陳桓子封于山

有蘧丘里古渠丘

昌國

臨朐

有三亭古邾邑

左傳莊元年齊所徙杜預曰在縣東南
應劭曰伯氏邑也地道記曰有石高山

廣般陽故屬濟南

右青州刺史部郡國六縣六十五

南陽郡

秦置雒陽南七百里

三十七城戶五十二萬八千五百五

十一口二百四十三萬九千六百一十八宛本申伯

國

荊州記曰郡城周三十六里博物記有申亭南都賦注曰有玉池澤陂

有南就聚有瓜

里津

東觀書鄧奉拒光武瓜里

有夕陽聚

泰山松書曰賈復從擊鄧奉追至夕陽聚

有東

武亭

冠軍邑

葉有長山曰方城

杜預曰方城山在縣南屈完曰楚國

方城以為城皇覽曰縣西北去城三里葉公諸梁冢近縣祠之曰葉君丘

有卷城

左傳昭二十五年楚

子使季然郭卷

新野有東鄉故新都

王莽封也

有黃郵聚

吳漢破秦豐地

章陵故舂陵世祖更名

古今注曰建武十八年使中郎將耿遵築城

有上

唐鄉

前志曰故唐國下江兵荊州軍

西鄂

有精山朱雋破孫夏山海經曰有豐山神耕父處之

常遊清冷之淵出入有光見即其國為敗有九鍾焉是知霜鳴郭璞曰清冷水在西鄂縣山上神來時水赤光

耀今有屋祠也霜降則鍾鳴故言知也物有自然感應而不可為也南都賦注耕父旱鬼也皇覽曰王子朝冢

在縣西

雉

博物記曰渚水出

魯陽有魯山

前志曰古魯縣南都賦注有堯山封

劉累立堯祠

有牛蘭累亭

謝沈書云牛蘭山也

犇

堵陽

博望

舞陰邑

比陽

復陽侯國有杏聚

平氏桐柏大復

山淮水出

前書曰在縣南利州記曰桐柏淮源涌發其中潛流三十里東出大復山南山南有淮源

廟博物記曰有陽山出紫草

有宜秋聚

伯升見下江兵

棘陽

荊州記曰東北百里有謝

城

有藍鄉

伯升襲甄阜處

有黃淳聚

又伯升攻梁丘賜杜預曰募國在東南前志募國湖

陽湖陽邑

荊州記曰樊重母畏雷為石室避之悉以文石為階今存

隨

古隨國

西

有斷蛇丘

即銜珠之蛇也杜預曰有賴亭左傳僖十五年齊伐厲在縣北帝王世紀曰神農氏起列

山謂列山氏今隨厲鄉是也荊州記曰縣北界有重山山有一穴云是神農所生又有周迴一頃二十畝地外

有兩重壑中有九井相傳神農既育九井自穿汲一井則衆井動即此地為神農社年常祠之

育陽

邑有小長安

漢軍為甄阜所破處

有東陽聚

朱祐破張成處

涅陽

陰

鄧

鄧有鄧聚

左傳桓九年楚師圍鄧

山都侯國

鄧侯國

荊州記曰縣北八里有菊水其源旁悉芳菊水極甘馨又中有三十家不復穿井即飲此水上壽百二十三十

中壽百餘七十者猶以為天漢司空王暢太傅袁隗為南陽令縣月送三十餘石飲食澡浴悉用之太尉胡廣

父患風羸南陽恒汲飲此水疾遂瘳此菊莖短葩大食之甘美異於餘菊廣又收其實種之京師遂處處傳植

之

穰

朝陽

南都賦陂澤有鉗盧注曰在縣

蔡陽侯國

襄陽耆舊傳曰有松

子亭下有神陂中多魚人捕不可得南都賦所稱

安衆侯國

博物記曰有土魯山出紫石英

筑陽侯國有涉都鄉

杜預曰穀國在縣北博物記曰今穀亭荊州記曰縣北四里有

開林山西北有雉山

武當有和城聚

荊州記曰縣有女思山南二百里有武當

順

陽侯國故博山有須聚 成都 襄鄉 南鄉 丹水

故屬弘農

南鄉丹水二縣有商城張儀與楚商於之地

有章密鄉有三戶亭

左傳哀四年晉執蠻子丹楚師

析故屬弘農故楚白羽邑

左傳昭十八年許遷

于白羽

有武關在縣西

南都賦曰武關在其西文穎曰去縣百七十里

有豐鄉城

左傳哀四年司馬起豐析荊州記曰縣有龍淵深不測縣北有馬頭山

南郡

秦置雒陽南一千五百里

十七城戶十六萬二千五百七十口

七十四萬七千六百四

江陵

史記曰楚熊渠立長子康為句亶王張瑩曰今

江陵也皇覽曰孫叔敖冢在城中白土里

有津鄉

左傳莊十九年楚子大敗于津荊州記曰縣東三里

餘有三湖湖東有水名長谷又西北有小城名曰冶父
左傳曰莫敖縊于荒谷羣師因于冶父縣北十餘里有
紀南城楚王所都東南有郢城子囊所城史記蘇秦說
楚威王楚東有夏州左傳楚莊伐陳鄉取一人以歸謂
之夏州今夏口
城有州名夏口
巫西有白帝城郭璞曰
秭歸本歸

國

杜預曰夔國荊州記曰縣北一百里有屈平故宅方
七頃累石為屋基今其地名樂平宅東北六十里有

女須廟

中盧侯國

襄陽耆舊傳曰古盧戎也縣西山中
有一道漢時常有數百匹馬出其中

馬形皆小似巴滇馬三國時陸遜攻襄陽又值此穴中
有數十匹馬出遜載還建業蜀使來有五部兵家滇池
者識其馬色云亡父所乘對之流涕荊州記云是析縣
馬頭山又縣南十五里有陵水東流注沔水中有物如
馬甲如鯨鯉不可入七八月中好在磧上自曝膝頭似
虎掌爪小兒不知欲取弄戲便殺人或曰生得者摘其

鼻厭可小小
便名為木盧

編有藍口聚

下江兵所據左傳闕緡以
權叛楚遷於那處杜預曰

縣東南有
那口城

當陽

杜預曰縣東南有權城楚武王所剋荆
州記曰縣東南有麥城城東有盧城

沮水西有磨城伍子胥
造此二城以攻麥城

華容侯國雲夢澤在南

杜預曰州

國在縣東枝江縣有雲夢城江夏安陸縣東南有雲夢
城或曰華容縣東南亦有雲夢巴丘湖江南之雲夢也

爾雅十藪楚有雲夢
郭璞曰巴丘湖是也

襄陽有阿頭山

岑彭破張楊襄
陽耆舊傳曰縣

西九里有方山父老傳云交甫所見玉女游處北山之
下曲隈是也荆州記曰襄陽舊楚之北津從襄陽渡江

經南陽出方關是周鄭晉衛之道其東津
經江夏出平澤關是通陳蔡齊宋之道

即侯國有

犂丘城

朱祐禽秦
豐蘓嶺山

宜城侯國

杜預曰縣西舊
羅國後徙枝江

郢侯

國永平元年復

左傳楚文王伐黃還及湫杜預曰縣東南有湫城

臨沮侯國

有荆山

山海經曰其陽多鉄其陰多赤金其中多牛荆州記曰西北三十里有清谿谿北即荆山首曰

景山即卞和抱璞之處南都賦注曰漢水至荆山東別流為滄浪之水

枝江侯國本羅

國有丹陽聚

史記曰秦齊破楚屈匄遂取丹陽

夷道

荆州記曰縣西北有宜陽山東

南有羊腸山

夷陵有荆門

岑彭破田戎處

虎牙山

荆州記曰荆門江南虎牙江北

虎牙有文如齒牙荆門上合下開

州陵

史記楚考烈王納州于秦

佷山故屬武

陵

江夏郡

高帝置雒陽南千五百里

十四城戶五萬八千四百三十四

口二十六萬五千四百六十四 西陵 西陽 軼侯

國

杜預曰古邾國在東南有邾城

邾

史記曰無忌說魏安釐王曰秦不敢攻冥阨之塞徐廣云即此

縣也

竟陵侯國有鄖鄉

左傳桓十一年鄭人軍蒲騷

立章山本內方

荊州記曰山高三十丈周迴百餘里縣東有申水左傳楚公子比為王次魚陂杜預曰在縣西北

雲

杜杜預曰縣東南有鄖城故國

沙羨

邾

地道記曰楚滅邾徙其君此城

下雉

蘄春侯國

鄂

平春侯國

南新市侯國

案本傳有離鄉

聚綠林

安陸

零陵郡

武帝置雒陽南

十三城戶二十一萬二千二百

八十四口百萬一千五百七十八 泉陵 零陵陽朔

山湘水出

羅含湘中記曰有營水有洮水有雅水有祁水有宜水有春水有蒸水有表水有來水有

淶水有連水有倒水有偽水有泊水有資水皆注湘

營道南有九疑山

舜之所葬郭璞

山海經注曰其山九谿皆相似故曰九疑湘州營陽郡記曰山下有舜祠故老相傳舜登九疑

營浦

營陽郡記曰縣南三里餘有舜南巡止宿處今立廟

冷道

有春陵鄉

洮陽

都梁

有路山 夫夷侯國故屬長沙

始安侯國

始安郡記曰縣東有

駸樂山東有遼山

重安侯國故鍾武永建三年更名

湘鄉

昭陽侯國

荊州記縣東有余水傍有漁父廟

烝陽侯國故屬長沙

桂陽郡

高帝置上領山在雒陽南三百里

十一城戶十三萬五千二

十九口五十萬一千四百三

郴有客嶺山

湘中記曰項籍徙義

帝於郴而害之今有義陵祠又縣南十數里有馬嶺山山有仙人撫耽壇荊州記曰城南六里縣西北有溫泉其下流有數十畝田常十二月下種明年三月新穀便登一年三收便耒陽有鐵

陰山 南平 臨武 桂陽 含洄 湏陽有莽領山

始興郡記有吳山

曲江

始興郡記縣北有臨沅山

漢寧永和元年置

武陵郡

秦昭王置名黔中郡高帝五年更名雒陽南二千一百里先賢傳曰晉代太守趙厥問主簿潘

京曰貴郡何以名武陵京曰鄙郡本名義陵在辰陽縣界與夷相接為所攻破光武時移東出遂得見全先識

易號傳曰止戈為武高平曰陵於是改名焉臣昭案前書本名武陵不知此對何據而出荊州記曰郡社中木庶樹是光武種至今也

十二城戶四萬六千六百七十二口二十

五萬九百一十三

臨沅

荊州記曰縣南臨沅水水源出群荆且蘭縣至郡界分為

五谿故云五谿蠻

漢壽故索陽嘉三年更名刺史治

漢官儀曰去雒

陽二千

孱陵

魏氏春秋曰劉備在荊州所都改曰公安

零陽

充

沅陵

先有壺頭山

馬援軍渡處有松梁山山有石開處數十丈其上名曰天門

辰陽

酉陽

遷陵

鐔成

沅南建武二十六年置

作唐

長沙郡

秦置雒陽南二千八百里

十三城戶二十五萬五千八百五

十四口百五萬九千三百七十二 臨湘 攸 茶陵

安城

酃

荆州記曰有酃湖周迴三里取湖水為酒
酒極甘美相東記曰縣西南毋山周迴四

百里 湘南侯國衡山在東南

郭璞曰山别名岿嶺湘中
記曰衡山有玉牒禹窠其

文以治水遙望衡山如陣雲
湘千里九向九背迴不復見

連道 昭陵 益陽

荆州記曰縣南十里有平岡岡有金井數百淺者四
五尺深者不測俗傳云有金人以杖撞地輒便成井

下雋

羅

帝王世紀曰有黃陵亭湘中記
亦云二妃之神劉表為之立碑

醴陵

荆州
記曰

縣東四十里有大山山有三石室室中有石林石
白父老相傳昔有道士學仙此室即合金沙之白

容

陵

右荊州刺史部郡七縣邑侯國百一十七

魏氏春秋建安

二十四年吳分巫秭歸為固陵郡二十五年分南郡之巫秭歸夷陵臨沮并房陵上庸西城七縣為

新城

郡

九江郡

秦置雒陽東一千五百里

十四城戶八萬九千四百三十六

口四十三萬二千四百二十六

陰陵

壽春

漢官云刺史治

去雒陽千三百里與志不同

浚道

左傳哀十二年會吳于橐臯杜預曰在縣東南案宋均傳縣有

唐后山

成德

西曲陽

合肥侯國

歷陽侯國刺史

治當塗有馬丘聚徐鳳反於此

帝王世紀曰禹會諸侯塗山皇覽曰楚大

夫子思冢在縣東山鄉西
去縣四十里子思造芍陂

全椒 鍾離侯國 阜陵

下蔡故屬沛

左傳成七年吳入州
來杜預曰下蔡縣

平阿故屬沛有

塗山

應劭云山在當塗左
傳穆有塗山之會

義成故屬沛

丹陽郡

秦鄣郡武帝更名雒陽東二千一百
六十里建安十三年孫權分新都郡

十六城戶

十三萬六千五百一十八口六十三萬五百四十五

宛陵

溧陽

丹陽

故鄣

秦鄣郡所治吳興記曰中
平年分縣南置安吉縣光

和末張角亂此鄉守險助國漢嘉之
故立縣中平二年又分立原鄉縣

於潛 涇 歙

山海經曰三天子鄣山在閩西海北郭璞曰在
縣東今謂之三王山魏氏春秋有安勒烏邪山

黟 魏氏

春秋有
林歷山

陵陽

陵陽子明得仙於此縣山故以為名

蕪湖中江在西

左傳

襄三年楚子伐吳克鳩茲杜預曰在縣之東

秣陵

其地本名金陵秦始皇改建安十六年孫權改

曰建業十七年城石頭

南有牛渚

湖熟侯國

句容

江乘

春穀 石城

廬江郡

文帝分淮南置建武十年省六安國以其縣屬雒陽東一千七百里

十四城戶十

萬一千三百九十二口四十二萬四千六百八十三

舒有桐鄉

古桐國左傳昭五年吳敗楚鵲岸杜預曰縣有鵲尾渚

雩婁侯國

尋陽

有置馬亭劉勲士衆散處

南有九江東合為大江

釋慧遠廬山記畧曰山在

尋陽南南濱宮亭湖北對小江山去小江三十餘里有
匡俗先生者出殷周之際隱遯潛居其下受道於仙人
而共嶺時謂所止為仙人之廬而命焉其山大嶺凡七
重圓基周廻垂三五百里其南嶺臨宮亭湖下有神廟
七嶺會同莫升之者東南有香爐山其上氤氲若香煙
西南中石門前有雙闕壁立千餘仞而瀑布流焉其中
鳥獸草木之美靈藥芳林之奇所稱名代
豫章舊志匡俗字君平夏禹之苗裔也

潛

左傳曰
昭二十

一年吳人侵楚伐夷侵潛六楚沈
尹戌帥師救潛是也潛有天柱山

臨湖侯國

龍舒

侯國

襄安

皖有鐵

居巢侯國

皇覽曰范增冢在
郭東又庭中亞父

井吏民皆祭亞父於居巢庭上長吏初視事皆
祭而後從政後更造祠於東廣志曰有二大湖

六安

國

皇覽曰皋
陶冢在縣

蓼侯國

安豐有大別山

左傳昭二十
三年吳敗諸

侯之師于雞父杜預
曰縣南有雞備亭

陽泉侯國

廣志曰有陽泉湖

安風侯

國

會稽郡

秦置本治吳立郡吳乃移山陰雒陽東三千八百里

十四城戶十二萬三

千九百四十八萬一千一百九十六

山陰

越絕曰句踐小

城山陰城也稷山有句踐齋戒臺吳越春秋曰句踐築城已成怪山自至怪山者琅邪海中山也一夕自來故

名怪

會稽山在南上有禹冢

山海經曰會稽之山四方上多金玉下多硃石郭璞

曰有禹井越絕曰有重山句踐葬大夫種

有浙江

郭璞注山海經曰江出歙縣玉山

鄒

烏傷

越絕曰有常山古聖所采藥高且神英雄交爭記曰初平三年分縣南鄉為長山縣

諸暨

越絕曰興平二年分立吳寧縣

餘暨

越絕曰西施之所出謝承書有涉皇山魏都賦注有蕭山潛水

出焉太末

左傳謂姑蔑初平三年分立新安縣建安四年孫氏分立豐安縣二十三年立遂昌縣東

陽記縣龍丘山有九石特秀林表色丹白遠望盡如蓮花龍丘長隱居於此因以為名其峯際復有巖穴外如

窻牖中有石林巖前有一桃樹其實甚甘非山中自有莫知誰植

上虞

漢末分南鄉立始寧縣

剡餘姚

句章

山海經曰餘句之山無草木多金玉郭璞曰山在餘姚南句章北故

二縣因以為名句踐欲遷吳王於甬東韋昭曰縣東洲

鄞章安故治閩越地

光武更名

晉元康記曰本鄞縣南之廻浦鄉章帝章和元年立未詳

永寧永和三年

年以章安縣東甌鄉為縣

東部侯國

吳郡

順帝分會稽置雒陽東三千二百里

十三城戶十六萬四千一百六

十四口七十萬七百八十二

吳本國

越絕曰吳大城閭閻所造周四

十七里二百一十步二尺又有伍子胥城居巢城閭門外閭閻冢虎丘穹隆赤松子所取赤石脂也去縣二十里有麋湖攬谿城又石城閭閻置美山虞山巫咸山皇覽曰縣東門外孫武冢又要離冢縣西南震澤

在西後名具區澤

爾雅十藪吳越之間有具區郭璞曰縣南太湖也中有句山山下有洞庭

穴道潛行水底去無所不通號為地脉越絕書曰湖周三萬六千頃又有大雷山小雷山周處風土記曰舜漁澤之所臣昭案此僻在成陽是也又吳伐越敗之夫椒杜預曰太湖中椒山是也海鹽

案今計偕

簿縣之故治順帝時陷而為湖今謂為當湖大旱湖竭城郭之處可識

烏程

左傳襄三年楚伐吳

至于衡山杜預曰在縣南或云丹陽縣之橫山去鳩茲不遠子重所至也吳興記曰縣西北其山有項籍祠興平二年太守許貢奏分縣為永縣

餘杭

顧夷曰秦始皇至會稽經此立為縣史記曰始皇臨浙江

水波惡乃西北二十里從狹中渡徐廣曰餘杭也臣昭案始皇所過乃在錢塘富春豈近餘杭之界乎

毘陵季札所居北江在北

越絕曰縣南城古淹地上湖中冢者季子冢也名延陵墟

皇覽曰

丹徒

春秋曰

曲阿

由拳

左傳曰越敗吳于攜李杜預曰

縣南醉李城也干寶搜神記曰秦始皇東巡望氣者云五百年後江東有天子氣始皇至令囚徒十萬人堀汙

其地表以惡名故改之曰由拳縣

安

越絕曰有西岑冢越王孫開所立以備春申君使其子守之子

死遂葬城中

富春

陽羨邑

郭璞曰縣有張公山洞密有二堂

無錫侯

國

史記曰春申君城故吳墟以自為都邑城在無錫皇覽曰吳王太伯冢在吳縣北梅里聚去城十里太伯

始所居地名句吳臣昭案無錫縣東皇山有太伯冢民世修敬焉去墓十里有舊宅并猶存臣昭以為即宅為置廟不如皇覽所說也越絕曰縣西龍尾陵道春申君初封吳所造臣昭案今見在自是山名非築陵道

婁

豫章郡

高帝置雒陽南二千七百里

二十一城戶四十萬六千四百

九十六口百六十六萬八千九百六

豫章記曰新吳上蔡永脩縣並中平

立豫章縣建安立上蔡民分徙此地立名上蔡

南昌

豫章記曰江淮唯此縣及吳臨湘三縣是也

建城

此地立名上蔡者豫章記曰縣有葛鄉有石炭二頃可燃以爨

新淦

宜春

廬陵

興平元年孫策分立廬陵郡

贛有豫章水

雩都

南野

有臺領山

南城

鄱陽有鄱水黃金采

建安十五年孫權分立鄱

陽郡治縣

歷陵有傳易山

餘汗

鄒陽

彭澤彭蠡澤

在西

柴桑

艾

左傳哀二十年吳公子慶忌所居

海昏侯國

在昌邑城

豫章記曰城東十三里縣列江邊名慨口出豫章大江之口也昌邑王每乘流東望輒憤慨而還故謂之慨口

平都侯國故安平

石陽

臨汝永元八年置

建

昌永元十六年分海昏置

右揚州刺史部郡六縣邑侯國九十二

後漢書卷三十二

後漢書卷三十二考證

郡國志四即墨侯國有棠鄉注左傳襄六年圍棠杜預
曰棠國也○臣召南按左傳注原文棠菜邑也北海
即墨縣有棠鄉此志作棠國也非是

不期侯國○臣召南按不期當從前書作不其本書伏

湛傳封不其侯亦作其字

葉有長山曰方城注杜預曰方城山在縣南屈完曰楚
國方城以為城○推尋文義當云左傳屈完曰楚國

方城以為城杜預曰方城山在縣南今此文誤倒

酈侯國注即飲此水○何焯校本即改仰

种歸本歸國○推尋文義國上衍一歸字注杜預曰夔國非歸國明矣

零陵陽朔山湘水出注有雍水○何焯校本作有灌水又有表水又有來水何焯校本作有來水有米水

耒陽有鐵○臣世駿按循吏衛諷傳注引續漢志云耒

陽有鐵官較此志多一官字

丹陽郡○陽當作楊

歛注今謂之三王山○本亦作三玉山何焯校本又減去三字

廬江郡注建武十年省六安國以其縣屬○臣召南按

建武十年應作十三年後章帝元和二年復改廬江為六安國至章和二年和帝即位復省六安入廬江此注未明

東合為大江注圖基周迴垂三五百里○何焯校本減

去三字

安豐注縣南有雞備亭○何焯校本脩改人

會稽郡注秦置本治吳立郡吳乃移山陰○立郡吳當
改吳立郡

太末注龍丘長隱居於此○長當作萇

又中有石林○林毛本作牀

婁○監本脫此一縣依宋本添

建城注此地立名上蔡者○臣名南按上文豫章郡戶

口下分注豫章記曰一條三十二字應在此文之下
遍檢本志引書必有所指上文豫章記言上蔡民分
徙此地即此地立名上蔡之注解也不知何以將豫
章記一條移置于前後人遂無糾正者

南野有臺領山○

臣名南

按監本於有臺下空一字是

領山亦似縣名矣又彭澤縣彭蠡澤在西監本於彭
蠡上亦空一字皆當連不連

後漢書卷三十二考證

謹案卷三十第六頁前四行高祖破項羽地刊本
地訛也據監本改

第六頁前八行紅刊本訛虹據下文及毛本改

卷三十一第二頁後一行孔子圍此刊本圍訛因
今改

第二頁後八行有蒲亭刊本蒲訛滿據毛本改

第五頁後二行在侯國刊本在訛在據監本及永

經注改

第七頁後五行古陶舜所居刊本舜訛堯據帝王

世紀改

第八頁前三行鄆城刊本鄆訛運據左傳注改

第十頁前四行有旣亭刊本旣訛概據春秋傳改



總校官庶吉士臣張能照

校對官檢討臣蕭九成

謄錄貢生臣郭棣泰

欽定四庫全書叢要

史部

後漢書卷三十三



詳校官內閣侍讀臣孫球

欽定四庫全書蒼要卷三千八百六十八

史部

後漢書卷三十三

梁

剡

令劉

昭補并注

郡國志第二十三

郡國五

益州

漢中 巴郡 廣漢 蜀郡 犍為
牂牁 越雋 益川 永昌

廣漢屬國 蜀郡屬國
犍為屬國

涼州

隴西 漢陽 武都 金城 安定
北地 武威 張掖 酒泉 敦煌

張掖屬國
張掖居延屬國

并州

上黨 太原 上郡 西河 五原
雲中 定襄 鴈門 朔方

幽州

涿郡 廣陽 代郡 上谷 漁陽
右北平 遼西 遼東 玄菟

樂浪
遼東屬國

交州

南海 蒼梧 鬱林 合浦 交趾
九真 日南

漢中郡

秦置雒陽西千九百九十里

九城戶五萬七千三百四十四

口二十六萬七千四百二

南鄭

華陽國志曰有池水從旱山來

成

固始墟在西北

前書曰在西域帝王世紀亦云姚墟在西北有舜祠

西城

巴漢志云

漢末以為
西城郡

褒中

華陽國志曰
有唐公防祠

沔陽有鐵

華陽國志
曰有定軍

山博物記曰縣北有丙穴巴漢志曰縣
有度水水有二原一日清檢一日濁檢

安陽 錫有

錫春秋時曰錫穴

左傳文十一年楚
伐麋至于錫穴

上庸本庸國

房陵

巴漢志曰建安十三年別屬新
城郡有維山維水所出東入瀘

巴郡

秦置雒陽西三千七百里譙周巴記曰初平六年
趙穎分巴為二郡欲得巴舊名故郡以墊江為治

安漢以下為永寧郡建安六年劉璋分巴以永寧為巴
東郡以墊江為巴西郡蜀都賦注云銅梁山在巴東千
寶搜神記曰有澤水民謂神龍不可鳴鼓其傍即
使大雨蜀都賦曰潛龍蟠于沮澤應鳴鼓而興雨

城戶三十一萬六千九百八十一口百八萬六千四十九

江州

杜預曰巴國也有塗山禹娶塗山華陽國志曰帝禹之廟銘存焉有清水穴巴人以此為粉則膏澤

鮮芳貢粉京師乃因名粉水

宕渠有鐵

朐忍

巴漢志曰山有大小石城勢者

閬中

案本傳有俞水巴漢志曰有彭池大澤名山靈臺見孔子內識

魚復

古庸國左傳文十年

魚人逐楚師是也

扞水有扞關

史記曰楚肅王為扞關以拒蜀

臨江

枳

史記

蘇代曰楚得枳而國亡華陽國志有明月峽廣德嶼者是也

涪陵出丹

巴記曰靈帝分涪陵

置永寧縣巴漢志曰涪陵巴郡之南鄙從枳南入折丹涪陵水與楚商於之地接漢時赤田軍常取其民

墊江

安漢

平都

巴記曰和帝分枳置

充國永元二年分閬

中置

巴記曰初平四年復分為南充國縣

宣漢

巴漢記曰和帝分宕渠之東置

漢昌

永元中置

巴記曰分宕渠之北而置也

廣漢郡

高帝置雒陽西三千里

十一城戶十三萬九千八百六十

五口五十萬九千四百三十八

雒州刺史治新都

華陽國志曰有金堂山水通巴漢

縣竹

地道記曰有紫巖山縣水之所出焉

什邡

涪

巴漢志曰屏山水出屏山

梓潼

地道記五婦山馳水出建安二十二年劉備以為郡

白

水

山海經曰白水出蜀而東南入江郭璞曰今在縣

葭萌

華陽國志有水通于漢川有金銀鑛

民洗取之

郫

廣漢有沈水

德陽

華陽國志曰有劍閣道三十里至險

蜀郡

秦置雒陽西三千一百里

十一城戶三十萬四百五十二口百

三十五萬四百七十六

成都

蜀都賦注曰武帝元鼎二年立成都郭十八門

郫江原繁廣都

任豫益州記曰縣有望川源鑿石二十里引取郫江水灌廣都

田云後漢所穿鑿者

臨邛

博物記曰有火井深二三丈在縣南百里以竹木投取火後人以火燭投

井中火即滅絕不復然蜀都賦注曰火井欲出其火先以家火投之須臾許隆隆如雷聲爛然通天光耀十里一斛水得四五斗鹽家火煮之不過二三斗鹽耳有鐵

湔氐道

蜀王本紀曰縣前有兩石對如闕號曰彭門

岷山在西徼外

山海經曰

岷山江水出焉東北注于海中多良龜其上多金玉其下多白珉其獸多犀象夔郭璞曰今蜀山中有大牛重數千斤曰夔蜀都賦注曰岷山持多藥其椒特多好者絕異于天下之好者

汶江道

華陽國志

曰瀝水駟水出焉多冰寒盛夏凝凍
不釋孝安延光三年復立之以為郡

八陵

廣柔

帝

世紀曰禹生石組縣有石組邑華陽國志曰夷人營其
地方百里不敢居牧有過逃其野中不敢追云畏禹神
能藏三年為人所得則
共原之云禹神靈祐之

緜虎道

華陽國志曰有王壘
山出璧玉崩水所出

犍為郡

武帝置雒陽西三千二百
七十里劉璋分立江陽郡

九城戶十三萬七千

七百一十三口四十一萬一千三百七十八

武陽有

彭亡聚

岑彭死處南中志曰縣南二十里彭望山益州
記曰縣有王喬仙處王喬祠今在縣下有彭祖

冢上有

資中

牛鞞

南安

蜀都賦注曰縣之南有
五岷山一山而五里在

彭祖祠

越雋

有魚泣津

蜀都賦注曰魚符津數百步在縣北三
十里縣臨大江岸便山嶺相連經益州

郡有道廣四五丈深或百丈斬鑿之跡今存昔唐蒙所造博物記縣西百里有牙門山華陽國志曰縣西有熊耳峽南有峨眉山

棘道

華陽國志曰治馬湖江會水通越舊本有棘人有荔枝

去縣八十餘里

薑藟有玉岳蘭李冰燒之崖有五色赤白映水玄黃魚從楚來至此而止畏崖映其水故也

江陽

華陽國志曰江雒會有方蘭祀江中有大閘小閘蜀都賦注云沱潛既道從縣南流至漢嘉縣八大穴中通剛

山下因南潛出今名復出水是也

荷節

南廣

漢安

牂牁郡

武帝置雒陽西五千七百里

十六城戶三萬一千五百二十

三口二十六萬七千二百五十三

故且蘭

地道記曰有沱水

平夷 鼈

地道記曰不狼山鼈水所出

毋斂

談指出丹

南中志曰

有不津江
江有瘴氣

夜郎出雄黃雌黃

案本傳有竹
王三郎祠

同竝

談橐

漏江

毋單

宛溫

南中志曰縣北三百里有
盤江廣數百步深十餘丈

此江有

鐔封

華陽國志
曰有溫水

漏臥

句町

案本傳有桃
榔木地道記

毒氣

有文

進乘

西隨

地道記曰麋水西受徽
外東至麓冷入尚龍谿

衆水

越雋郡

武帝置雋陽西
四千八百里

十四城戶十三萬一百二十口

六十二萬二千四百一十八

邛都南山出銅

南中志
曰縣東

南數里有水名邛廣都河從廣二十里深百餘丈有魚
長一二丈頭特大遙視如戴鐵釜狀華陽國志曰河有
嗒雋山又有溫
水穴冬夏常熱

遂久

華陽國志曰有繩水廣
志曰有縹碧石有綠碧

靈關

道

華陽國志曰有銅山又有利慈

臺登出鐵

華陽國志曰有孫水一曰白沙江山有砮火燒

成鐵

青蛉有禹同山俗謂有金馬碧雞

華陽國志曰有鹽官濮水出

卑水

華陽國志曰水通馬湖

三縫

華陽國志曰通道寧州度瀘得蛉縣有長谷石時坪

中有石豬子母數千頭長老傳言夷昔牧豬于此一朝豬化為石迄今夷不敢往牧

會無出鐵

郭璞曰山海經稱縣東山出碧亦王類華陽國志曰故濮人邑也今有濮人家冢不閉戶其中多珠人不可取取之不祥有元馬河元馬日行千里縣有元馬祠民居家馬牧山下或產駿駒云元馬子也今其有元馬逕厥迹存馬河中有銅船今在祠以羊可取也

定作

華陽國志

縣在郡西度瀘水賓岡微白摩沙夷有鹽坑積薪以齊水灌而後焚之成白鹽漢末夷等皆飼之

闡

華陽國志曰故印人邑治印都城

蘇示

大祚

祚秦

姑復

地道記鹽

池澤在南

益川郡

武帝置故滇王國維陽西五千六百里諸葛亮表有耽文山澤山司彌瘞山婁山辟龍山此等

並皆未詳所在縣

十七城戶二萬九千三十六口十一萬八百

二 滇池出鐵有池澤

澤在縣西見前書南中志曰池周二百五十里

北有黑

水祠

華陽國志曰水是溫泉又有白蜎山淮有蜎

勝休

南中志曰有大河從廣百四十里深

數十丈地道記曰水東至毋撥入橋水

俞元裝山出銅

華陽國志在河中洲上

律高石室山出錫監町山出銀鉛 賁古采山出銅錫

前書曰
在縣北

羊山出銀鉛

在縣西地道記曰南烏山出錫

毋掇

地道記曰有橋水出

橋山

建伶穀昌

牧靡

李奇曰靡音麻出升麻

味

昆澤

同瀨

地道記曰銅虜山米水所出

同勞

雙栢出銀

連然

橋

棟

地道記連山無血水所出

秦臧

永昌郡

明帝永平二年分益州置雒陽西七千二百六十里廣志曰永昌一郡見龍之耀日月相屬

八城戶二十三萬一千八百九十七口百八十九萬七

千三百四十四 不韋出鐵

華陽國志曰孝武置不韋縣徙南越相呂嘉子孫宗

族居之因名不韋以章其先人之惡

雋唐

本西南夷史記曰古為雋昆明古今注曰永平十年置益

州西部都尉治舊唐鎮尉哀牢人標榆蠻夷華陽國志曰有同水從徼外來

比蘇 標榆

有河廣志曰有弔鳥山縣西北八十里在阜山衆鳥千百羣共會鳴呼啁哳每歲七月八月晦望至集六日則止歲凡六至雉雀來弔特悲其方人夜然火伺取無噤不食者以為義鳥則不取也俗言鳳凰死于此山故衆鳥來弔地道記

邪龍 雲南

南中志曰縣西高山相連有大泉水周旋萬步

有澤在縣東名馮河縣西北百數十里有山衆山之中特高大狀如扶風太一鬱然高峻與雲氣相連結因視之不見其山固陰沍寒雖五月盛暑不熱廣志曰五月霜雪皓然

哀牢永平中置故牢王國

博南永平中置南界出金

華陽國志曰西山高三十里越得蘭滄水有金沙洗

取融為金有光珠穴廣志曰有虎魄生地中其上及傍不生草深者四五八九尺大者如斛削去外中成虎魄

如升初如桃
膠凝堅成也

廣漢屬國都尉

故北部都尉屬蜀郡安帝時
以為屬國都尉別領三城

戶三萬七

千一百一十口二十萬五千六百五十二

陰平道

甸氏道

華陽國志曰有白水出徼外入漢

剛氏道

華陽國志曰涪水所出有金銀鑛

蜀郡屬國

故屬西部都尉延光元年
以為屬國都尉別領四城

戶十一萬一千五

百六十八口四十七萬五千六百二十九

漢嘉故青

衣陽嘉二年改有蒙山

華陽國志曰有洙水從邛來出
岷江又從岷山西來入江合郡

下青衣江入大江土地多山蜀都賦曰
廓靈闕而為門注曰山名也地在縣南

嚴道有邛焚

九折坂者叩刻置

山海經曰岷山江水出焉郭璞曰中江所出也華陽國志曰道至險有長

嶺若棟入渡之難楊母閣之峻昔楊氏倡造作閣故名馬叩岷山本名叩作故叩人作人界也巖阻峻廻曲九折乃至山上凝冰夏結冬

則劇寒王陽行步至此退

徙

華陽國志曰出丹砂雄雌黃空青青碧

旄牛

華陽國志曰旄地也在叩岷山去叩人自蜀入度此山甚險難南人毒之故名叩岷有鮮水若水一

名洲

捷為屬國

故郡南部都尉永初元年以為屬國都尉別領二城

戶七千九百三十

八口三萬七千一百八十七

朱提

南中志曰縣有大淵池水名千頃池

西南二里有堂狼山多毒草盛夏之月飛鳥過之不能得去蜀都賦注曰有靈池在縣南數十里周四十七里

山出銀銅

案前書朱提銀重以八兩為一流直一千五百八十他銀一流直一千南中志曰舊有銀

窟數處諸葛亮書云漢嘉金朱提銀採之不足以自食

漢陽

右益州刺史部郡國十二縣道一百一十八

本梁州袁

山松書曰建安二十年復置漢寧郡漢中之安陽西城郡分錫上庸為上庸郡置都尉

隴西郡

秦置雒陽西二千二百二十里

十一城戶五千六百二十八口

二萬九千六百三十七

狄道

安故

氐道養水出

此

巴漢志曰漢水二源東源出縣之養山名養南都賦注曰漢水源出隴西經武都至武關山歷南陽界出

沔口入江巴漢志曰西漢隴西嶠冢山會白水經葭萌入漢始源曰沔故曰漢沔

首陽有鳥

鼠同穴山

爾雅曰其鳥為鵯其鼠為鼯如人家鼠而短尾鵯似鵯而小黃黑色穴地入三四尺鼠在

內鳥在外孔安國尚書傳曰共為雌雄張氏地理記云不為北壯山海經曰山多白虎白玉

地道記曰有三

危三苗所處 大夏 襄武有五雞聚 臨洮有西

頃山

前志曰在縣西本傳縣馬防築索西城

枹罕故屬金城 白石故

屬金城 鄯 河關故屬金城積石山在西南河水出

漢陽郡

武帝置為天水永平十七年更名在雒陽西二千里秦州記曰中平五年分置南安郡獻帝起

居注曰初平四年十二月已分漢十三城戶二萬七千

陽上郡為永陽以鄉亭為屬縣

四百二十三口十三萬一百三十八

冀

史記曰秦武公伐冀戎縣

有朱圉山

前志曰在縣南

有緹羣山有雒門聚

來欽破塊囂處

望恒

阿陽

略陽有街泉亭

街水故縣省

勇士

成紀

帝王世紀

曰色犧氏生于成紀

隴州刺史治

漢官云去雒陽二千一百里

有大坂名隴

抵

三秦記其坂九迴不知高幾許欲上者七日乃越高處可容百餘家清水四注下郭仲產秦州記曰隴山

東西百八十里登山嶺東望秦川四五百里極目泯然山東人行役升此而顧瞻者莫不悲思故歌曰隴頭流水分離四下念我行役飄然曠野登高達望涕零雙墮度汧隴無蠶桑八月乃麥五月乃凍解

有秦亭

秦之先封起於此

獮道

史記秦孝公西斬戎王

蘭干

平襄

顯親

上邽故屬隴西

秦州記曰縣北有利山川中平池有土堆高五丈生細竹

翠茂殊常二楊樹大

數十圍百姓祀之

西故屬隴西有嶓冢山西漢水

史記曰申命和仲居西土徐廣曰今之西

縣鄭玄曰西在隴西西今謂之八充山

武都郡

武帝置雒陽西一

七城戶二萬一百二口八萬

一千七百二十八

下辨

有赤亭

武都道

華陽國志曰有大池澤

上祿故道

千寶搜神記曰有奴特祠秦置甌頭騎起此

河池

地道記曰有泉

街水

沮沔水出東狼谷

羌道

金城郡

昭帝置雒陽西二千八百里

十城戶三千八百五十八口萬

八千九百四十七

允吾

西羌傳有唐谷秦州有牢北山傍有三窟

浩亶

有雒都谷馬
武破羌處

令居 枝楊 金城 榆中 臨羌有

昆崙山 破羌 安夷 允街

安定郡 武帝置雒陽西千七百里 八城戶六千九十四口二萬九千

六十 臨涇 謝承書曰宣仲為長史民扳留改曰宜民見李固傳而志無此改豈承之妄乎

高平有第一城 高峻所據 朝那 有湫淵方四十里停不流冬夏不增減不生草木郭

璞注山海經曰涇水出縣西丹頭山入渭 烏枝有瓦亭 牛邯軍處 山薄落谷 本傳

有龍池山地道 三水 有左谷盧芳所居 陰盤 舊有陰密縣未詳所并杜

記曰安定陰密縣古密須國史記曰秦遷白起於陰密 山海經曰溫水出崆峒山在臨汾南入河華陽北郭璞

曰水
常溫

彭陽 鶉觚故屬北地

北地郡

秦置雒陽西
千一百里

六城戶三千一百二十二口萬八

千六百三十七

富平

泥陽有五柞亭

地道記曰泥
水出郁郅北

蠻中

弋居有鐵

廉

前志卑移
山在西北

參綠故屬安定

有青
山謝

沈書屬國降羌胡
數千人居山田畜

靈州

武威郡

故匈奴休屠王地武帝
置雒陽西三千五百里

十四城戶萬四十三口

三萬四千二百二十六

姑臧

地道記南山
谷水所出

張掖

武威

休屠

掾次

鸞鳥

樸剝

媼圍

宣威

蒼松

地道記曰南山松陝水所出

鷗陰故屬安定

租屬故屬安

定顯美故屬張掖

左騎千人官

張掖郡

故匈奴昆邪王地武帝置雒陽西四千二百里獻帝分置西郡

八城戶六千五

百五十二口二萬六千四十

麟得

昭武

刪丹弱

水出氏池屋蘭

日勒

驪軒

番和

酒泉郡

武帝置雒陽西四千七百里

九城戶萬二千七百六

福祿

表氏樂涇王門

會水

沙頭

安彌故曰緩

彌乾齊

延壽

博物記曰縣南有山石出泉水大如筍廣注池為溝其水有肥如煮肉洎

義義永永如不凝膏然之極
明不可食縣人謂之石漆

敦煌郡

武帝置雒陽西五千里者舊記曰國當乾位地列艮墟水有縣泉之神山有鳴沙之異川無蛇

虺澤無兕虎華戎所支一都會也

六城戶七百四十八口二萬九千一

百七十

敦煌古瓜州出美瓜

冥安

效穀

拼泉

廣至

龍勒有玉門關

張掖屬國

武帝置屬國都尉以主蠻夷降者安帝時別領五城

戶四千六百五十

六口萬六千九百五十二

候官

左騎

千人司馬

官千人官

張掖居延屬國

故郡都尉安帝別領一郡

戶一千五百六十口四千

七百三十二

居延有居延澤古流沙

獻帝建安末立為西海郡

右涼州刺史部郡國十二縣道候官九十八

袁山松書

曰興平元年分安定鶉觚右扶風之漆置新平郡

上黨郡

秦置雒陽北千五百里

十三城戶二萬六千二百二十二

口十二萬七千四百三

長子

山海經曰有發鳩之山章水出焉上黨記曰關

城都尉所治今狐微君隱城東山中去郡六十里即壺關三老令狐茂上書訟戾太子者也茂即葬其山

屯留絳水出

上黨記曰有鹿谷山濁漳所出有余吾城在縣西北三十里

銅鞮

上黨

記曰晉別宮墟闕猶有北城去晉宮二十里羊舌所邑左傳成九年晉執鄭伯於此

沾

山海經曰有少

山其上有金玉其下有銅郭璞云在沾

涅有闕與聚

史記曰趙奢破秦兵闕與山海經曰

謁戾之山有金玉沁水出焉南流注于河郭璞曰在涅

襄垣

上黨記曰邑帶山林茂松生焉

壺關有黎亭故黎國

文王戡黎即此也上黨記曰東山在城東南晉中生所伐今名平澤

洹氏有長平亭

史記曰白起破趙長平上黨記曰白城在郡南山中百二十里

高

都

前志曰有天井關戰國策曰桀居天井即天門也博物記曰縣南地名即垂

潞本國

左傳

哀四年齊伐晉壺口杜預曰潞縣東有壺口關上黨記曰潞濁漳也縣城臨潞晉荀林父伐曲梁在城西十里今名石梁又東北八十里有黎城臨壺口關至建安十一年從洹河口鑿入潞河名泉州梁以通于海

猗氏

漢書音義
縣出鵲

陽阿侯國

穀遠

上黨記曰有羊
頭山沁水所出

太原郡

秦置

十六城戶三萬九百二口二十萬一百二十

四 晉陽本唐國

毛詩譜曰堯始都于此後遷河東平陽

有龍山晉水所

出

山海經曰有懸甕之山其上多玉其下多銅其獸多
閭虞晉水出焉東南注汾郭璞曰在縣左傳曰遷實

沈于大夏賈逵曰陶唐之亂
劉累也杜預曰今晉陽縣

刺史治

漢官曰南有梗陽
城中行獻子見巫

皐

界休有界山有縣上聚

左傳曰晉文公以縣上為
介之推田介山推焚死之

山故太原
俗有寒食

有千畝聚

左傳曰晉為千
畝之戰在縣南

榆次

左傳謂
塗水

有

鑿壺

史記曰韓魏殺智
伯理于鑿壺之下

中都

左傳昭二年執陳無宇
于中都杜預曰界休縣

南中都
城是也

于離

兹氏

狼孟

鄆

史記韓信破夏說于鄆徐廣曰音于

庶反

孟

晉大夫孟丙邑

平陶

京陵春秋時九京

禮記曰趙武從先大

夫于九京鄭玄曰晉卿大夫之墓地京字之誤當為九原

陽曲

大陵有鐵

史記曰趙

肅侯游大陸出于鹿門即大陵

祁

慮虎

陽邑有箕城

左傳僖三十三年晉

敗狄于箕

上郡

秦置

十城戶五千一百六十九口二萬八千五百九

十九

膚施

白土

漆垣

奢延

雕陰

楨林

空陽

高奴

龜茲屬國

候官

西河郡

武帝置雒陽北千二百里

十三城戶五千六百九十八口二

萬八百三十八

離石

平定

美稷

樂街

中陽

臯狼

平周

平陸

益蘭

圜陰

蘭

圜陽

廣衍

五原郡

秦置為九原武帝更名

十城戶四千六百六十七口二萬

二千九百五十七

九原

五原

臨沃

文國

河

陰武都

宜梁

曼柏

成宜

西安陽北有陰山

徐廣曰陰山在河南陽山在河北史記曰蒙恬築長城臨洮延袤萬里餘度河據陽山

雲中郡

秦置

十一城戶五千三百五十一口二萬六千四

百三十

雲中

咸陽

箕陵

沙陵

沙南

案烏桓有蘭池

城烏桓之圍耿畢處

北興

武泉

原陽

定襄故屬定襄

成

樂故屬定襄

武進故屬定襄

定襄郡

高帝置

五城戶三千一百五十三口萬三千五百

七十一

善無故屬鴈門

桐過

武成

駱

中陵

故屬鴈門

鴈門郡

秦置雒陽北千五百里

十四城戶三萬一千八百六十二

口二十四萬九千

陰館

史記曰漢蘇意軍句注應劭曰山陰名也在縣爾雅八陵

西階鴈門是也郭璞曰即鴈門山山海經曰鴈門山者鴈飛出于其間

繁峙樓煩

武州

前書武帝誘匈奴入武州塞

汪陶

劇陽

崞

平城

前書高帝

被圍白登服虔曰去縣七里

埽

馬邑

千寶搜神記曰昔秦人築城于武州塞內以備胡城

成而崩者數矣有馬馳走一地周旋反覆父老異之因依以築城城乃不崩遂名之為馬邑

鹵城

故屬代郡

山海經曰泰戲之山無草木多金玉呼沱之水出焉郭璞曰今呼沱河縣武夫山周禮并

州其川呼沱魏志曰建安十年鑿渠自呼沱入汾名平虜渠

廣武故屬太原有夏

屋山

史記曰趙襄子北登夏屋山以銅斗殺代王郭璞曰爾雅山中有獸形如菟相負共行土俗名之愛

原平故屬太原

古史考曰趙哀居原今原平縣

彊陰

朔方郡

武帝置

六城戶千九百八十七口七千八百四十

三臨戎 三封 朔方 沃野 廣牧 大城故屬

西河

右并州刺史部郡九縣邑侯國九十八

古今注曰建武十一

年十月西河上郡屬魏魏志曰建安二十年省雲中定襄五原朔方置一縣領其民合以為新興郡

涿郡

高帝置雒陽東北千八百里

七城戶十萬二千二百一十八口

六十三萬三千七百二十四

涿

迺侯國

史記漢武帝至鳴澤

服虔曰在縣北界

故安易水出電水出

案本紀永元十五年後置縣鐵官

范陽侯國

良鄉

北新城有汾水門

史記曰趙與燕分門

方城故屬廣陽有臨鄉

故縣後省惠文王與燕臨樂

有督亭

劉向別錄曰督

亢膏腴之地史記荆軻奉督亢圖入秦

廣陽郡

高帝置為燕國昭帝更名為郡世祖省并上谷永平八年復

五城戶四萬四

千五百五十口二十八萬六百

薊本燕國刺史治

漢官

曰雄陽東北二千里

廣陽

昌平故屬上谷

軍都故屬上谷

安次故屬勃海

代郡

秦置雒陽東北二千五百里古今注曰建武二十七年七月屬幽州

十一城戶二萬

一百二十三口十二萬六千一百八十八 高柳 桑

乾道人 當城 馬城 班氏 犂氏 北平邑永

元八年復 東安陽 平舒 代

千寶搜神記曰代城始築立板幹一旦亡

西南板四五十里于澤中自立結葦為外門因就營築馬故其城周圍三十五丈為九門故城處呼之以為東城

上谷郡

秦置雒陽東北三千二百里

八城戶萬三百五十二口五萬

一千二百四 沮陽 潘永元十一年復 寧 廣寧

居庸

碓磬

涿鹿

帝王世紀曰黃帝所都有蚩尤城阪泉地黃帝祠世本云在鼓

城南張晏曰在上谷于瓚案禮五帝位云黃帝與赤帝戰于阪泉之野不在涿鹿是伐蚩尤之地

下

落

漁陽郡

秦置碓磬東北二千里

九城戶六萬八千四百五十六口

四十三萬五千七百四十

漁陽有鐵

狐奴

潞

雍奴

泉州有鐵

平谷

安樂

僦奚

獷平

右北平郡

秦置碓磬東北二千三百里

四城戶九千一百七十口五

萬三千四百七十五

土垠

徐無

俊靡

無終

遼西郡

秦置雒陽東北
三千三百里

五城戶萬四千一百五十口八

萬一千七百一十四

陽樂

海陽

令支有孤竹城

伯夷叔
齊本國

肥如

臨渝

山海經曰碣石之山編水出焉
其上有玉其下有青碧水經曰

在縣南郭璞曰或曰在右
北平驪城縣海邊山也

遼東郡

秦置雒陽東北三千六百里案本紀和
帝永元十六年郡復置西部都尉官

十一城

戶六萬四千一百五十八口八萬一千七百一十四

襄平

新昌

無慮

望平

候城

安市

平郭有

鐵 西安平

魏氏春秋曰縣北有小水南流
入海句驪別種因名之小水額

汶 番

汗 沓氏

玄菟郡

武帝置 雄陽東北四千里

六城戶一千五百九十四口四萬

三千一百六十三

高句驪遼山遼水出

山海經曰遼水出白平東

郭璞曰出塞外御白平山遼山小遼水所出

西蓋鳥

上殷台

高顯故

屬遼東

候城故屬遼東

遼陽故屬遼東

東觀書安帝即位之

年分三

縣來屬

樂浪郡

武帝置 雄陽東北五千里

十八城戶六萬一千四百九十二

口二十五萬七千五十

朝鮮

誨邯

涓水

含資

占蟬 遂城 增地 帶方 駟望 海冥 列口

郭璞注山海經曰列水名列水在遼東

長岑 屯有 昭明 鏤方

提奚 渾彌 樂都

遼東屬國

故邯鄲西部都尉安帝時以為屬國都尉別領六城雒陽東北三千二百六十里

昌遼故天遼屬遼西

何法盛晉書有青城山

賓徒故屬遼西

徒河故屬遼西 無慮有醫無慮山

險瀆

史記曰王險衛滿所

都

房

右幽州刺史部郡國十一縣邑侯國九十

南海郡

武帝置雒陽南七千一百里

七城戶七萬一千四百七十七

口二十五萬二百八十二

番禺

山海經注桂林八樹在番禺東郭璞云今

番禺博羅

有羅浮山自會稽浮往博羅山故置博羅縣

中宿

龍川

四

會揭陽增城有勞領山

蒼梧郡

武帝置雒陽南六千四百一十里

十一城戶十一萬一千三百

九十五口四十六萬六千九百七十五

廣信

漢官曰刺史治

去雒陽九千里

謝沐

高要

封陽

臨賀

端谿

馮乘

富川

荔浦

猛陵

地道記曰龍山合水所出

鄣平

永平十四年置

鬱林郡

秦桂林郡武帝更名
雒陽南六千五百里

十一城

布山

安廣

阿林

廣鬱

中溜

桂林

潭中

臨塵

定周

增食

領方

合浦郡

武帝置雒陽南九
千一百九十一里

五城戶二萬三千一百二十

一口八萬六千六百一十七

合浦

徐聞

交州記曰
出大吳公

皮以
冠鼓

高涼

建安二十五年
孫權立高涼郡

臨元

朱崖

交趾郡

武帝置即安陽王國
雒陽南萬一千里

十二城

龍編

交州記曰
縣西帶江

有仙山數百里有
三湖有注沅二水

羸樓

地道記曰南
越侯織在此

安定

交州記
曰越人

鑄銅為船在江潮退時見

苟漏

交州記曰有潛水牛上岸共闕角軟還復出

麓冷

曲陽北帶

稽徐

西于

朱載

封谿建武十九

年置

交州記曰有隄防龍門水深百尋大魚登此門化成龍不得過曝鰓點額血流此水恒如丹池有秦

潛江出嘔山分為九十九流三百餘里共會于一口

望海建武十九年置

九真郡

武帝置雒陽南萬一千五百八十里

五城戶四萬六千五百一十

三口二十萬九千八百九十四

胥浦

居風

交州記曰有山

出金牛往往夜見光曜十里山有風門常有風

咸權

無功

無編

日南郡

秦象郡武帝更名雒陽南萬三千四百里

五城戶萬八千二百六十

三口十萬六百七十六

西卷

朱吾

交州記曰其民依海際居不食

米止資魚

盧容

交州記曰有採金浦

象林

今之林邑國

比景

博物記曰日南

出野女羣行不見夫其狀晶且白裸袒無衣襦

右交州刺史部郡七縣五十六

王範交廣春秋曰交州治羸樓縣元

封五年移治蒼梧廣信縣建安十五年治番禺縣詔書以州邊遠使持節拜七郡皆授鼓吹以重威鎮

漢書地理志承秦三十六郡縣邑數百後稍分析至于孝平凡郡國百三縣邑道侯國千五百八十七世祖中

興惟官多役煩乃命并合省郡國十縣邑道侯國四百

餘所

應劭漢官曰世祖中興海內人民可得而數裁十
二三邊陲蕭條靡有孑遺鄣塞破壞亭隊絕滅建

武二十一年始遣中郎將馬援謁者分棐烽候堡壁稍
興立郡縣十餘萬戶或空置太守令長招還人民上笑
曰今邊無人而設長吏治之難如春秋素王矣
乃建立三營屯田殖穀弛刑謫徒以充實之

至明帝

置郡一章帝置郡國二和帝置三安帝又命屬國別領

比郡者六又所省縣漸復分置至于孝順凡郡國百五

縣邑道侯國千一百八十

東觀書曰永興元年鄉三千
六百八十一亭萬二千四百

四十民戶九百六十九萬八千六百三十口四千九百

一十五萬二百二十

應劭漢官儀曰永和中戶至千七百八十八萬口五千三百八十六萬九

千五百八十八又帝王世紀永嘉二年戶則多九十七萬八千七百七十一口七百二十一萬六千六百三十

六應載極盛之時而所殊甚衆舍永嘉多取永和少良不可解皇甫謐校覈精審復非謬記未詳孰是豈此是順朝時書後史即為本乎伏無忌所記每帝崩輒最戶口及墾田大數今列于後以見滋減之差焉○光武中

元二年戶四百二十七萬九千六百三十四口二千一百萬七千八百二十○明帝永平十八年戶五百八十

六萬五百七十三口三千四百一十二萬五千二十一○章帝章和二年戶七百四十五萬六千七百八十四

口四千三百三十五萬六千三百六十七○和帝元興元年戶九百二十三萬七千一百一十二口五千三百

二十五萬六千二百二十九墾田七百三十二萬一百七十頃八十畝百四十步○安帝延光四年戶九百六

十四萬七千八百三十八口四千八百六十九萬七百
八十九畝田六百九十四萬二千八百九十二頃一十
三畝八十五步○順帝建康元年戶九百九十四萬六
千九百一十九口四千九百七十三萬五千五百五十畝田
六百八十九萬六千二百七十一頃五十六畝一百九
十四步○冲帝永嘉元年戶九百九十三萬七千六百
八十四口四千九百五十二萬四千一百八十三畝田六
百九十五萬七千六百七十六頃二十畝百八十八步○質
帝本初元年戶九百三十四萬八千二百二十七口四
千七百五十六萬六千七百七十二畝田六百九十三
萬一百二十三
頃三十八畝

贊曰衆安后載政洽區分侯罷守列民無常君稱號遷
隔封割糾紛略存減益多證前聞



後漢書卷三十三

後漢書卷三十三考證

郡國志五巴郡注建安六年劉綽分巴○

臣召南

按劉

綽當作劉璋璋分巴東巴西二郡蜀志可考

魚復注左傳文十年魚人逐楚師○左傳是文公十六
年事此脫六字

涪陵出丹注從枳南折丹涪陵水與楚商於之地接○

臣召南

按析丹水皆縣名與涪陵相接注當云從枳

南入析丹水涪陵與商於之地接也析誤作折丹涪

陵水又倒其字遂不可解

雒州刺史治○

臣召南

按雒是一字縣名前書可証又

本書李固傳出為廣漢雒令是也各州刺史治例無
州字此州字衍又漢陽郡隴州刺史治亦衍州字

永昌郡注明帝永平二年分益州置○

臣召南

按本書

永平十二年以益州徼外夷哀牢王內附置永昌郡
是二年上脫十字

廣漢屬國都尉注故北部都尉屬蜀郡○

臣召南

按屬

蜀郡應是屬廣漢郡之訛陰平甸氏剛氏三道舊屬
廣漢陰平道即廣漢北部都尉治也前書可証
臨洮注本傳縣馬防築索西域○此注縣字疑衍

望恒○前書作望垣

畧陽有街泉亭注街水故縣省○街水故縣當作街泉
故縣

朝那注郭璞注山海經曰涇水出縣西丹頭山入渭○

臣召南

按丹頭山當作幵頭山各本俱誤

鷓陰○前書作鶉陰

祖厲○前書作祖厲

拼泉○前書作淵泉

張掖屬國注安帝時別領五城○

臣名南

按下列候官

左騎千人司馬官千人官皆官名非城名也前志張掖領十縣後志領八城其居延別為居延屬國顯美改屬武威郡未知張掖屬國所領之五城為何名也張掖居延屬國注安帝別領一郡○郡字何焯校本改

城

壺關注今名平澤○本亦作無罽何焯校本改平罽

洺氏注白城在郡南山中○何焯校本削白字

穀遠注泌水所出○泌前書作沁

埒○何焯校本改埒

大城○何焯校本城字去土傍

廣陽郡注永平八年復○

臣召南

按和帝永元八年復

非永平也按此注昭帝更名為郡之下尚缺宣帝復

為國五字蓋本始元年更為廣陽國至光武始并入

上谷郡耳

汶○何焯校本減去○按前書作文

高句驪注出塞外御白平山○御當作銜

西蓋鳥○前書作西蓋馬臣召南按本書東沃沮在高

句驪蓋馬太山之東知此作鳥誤

候城○臣召南按顧炎武救文格論曰候城改屬元菟

而遼東復出一候城無慮改屬遼東屬國而遼東復

出一無慮必有一焉宜刪者然則天下郡國少二城矣

占蟬○前書作黏蟬

遂城○前書作遂成

遼東屬國○

臣世駿

按此郡獨無戶口

昌遼故天遼屬遼西○

臣名南

按前志遼西無天遼縣

顧炎武考古錄疑此志昌遼故天遼五字當作昌黎故交黎是也又考安帝紀鮮卑攻夫犁營章懷注曰

夫犁縣名屬遼東屬國鮮卑傳又作扶黎注文同然則前漢名交黎後漢名夫黎又改曰昌黎也疑此志當作昌黎故夫黎夫與天字尤相近

賓徒○前書作賓從

臨元○前書作臨允

朱崖○前書作朱盧

羸樓○羸應作羸前書孟康曰羸音蓮則作羸字非也

無功○前書作無切

後漢書卷三十三考證